

Ningut vnder

richt vnd getrewer Ratschlag / auß
 hailiger göelicher schrift / weß mā
 sich in disen zwitachten / vnnsern
 hailigen glauben vnnnd Christliche
 leer becreffend / halten soll / darinn
 was gotes wort vnd menschen
 leer. Was Christus vnnnd
 der Antichrist sey / für
 nemlich gehan-
 delt wirt:

Geschriben an ain Erbern Weysen
 Rhat der löblichen Seat Nürn-
 berg durch ire prediger.

N: D: XXV.

Andreas Gsiander

dem Christlichen Leser



Nad vnd Frid vonn gott / dem Vatter vnnnd Jesu
Christo vnnserrn Herinn. Wiewol wir disem
vnnserrn rhat Schlag / nicht der maynung geschubt
haben / das er solt offentlich im truck außgeen / daß
er sonst on zweyffel reichlicher vnd vberflüssiger wer behädelt
worden. Dannoch dieweyl er andern leuten in die hend kom
men ist / vnd vns getroet würdt / er sol getruckt werden / hab
wir wollen vorkommen (damit nicht einander das on allem
vleysß thet wie gemainlich geschicht) vnd in selbs in truck ver
ordnet. Dieweil aber hierin solche ding gehandelt werden
an welchen des worts gottes Feinden / all jr macht gelegen ist
vnd / zuuermittlen / sie werdens vnangesochten nit lassen / hat
vns kainswegs / vnserer namen / wie etlich gern gesehen / zuu
schweygen wollen geptirn / sonder müssen vnd wollen / einem
jedem. der des begert / vnnsers schreybens gnügsame rechen
schafft dartzon / wie vns der heylig Petrus leeret. Des wölle
wir vns auch hiemit gegen menigklich haben erbotten.
Gotes genad sey mit vns allenn

Ihesus



Irsichtig Erber Weysß Günstigelieben hern / wir
 sein in kurzuerschinentagen / vonn Ewern E. W.
 umb radt / in sachen / die hailigen schrift vn vnsern
 glaube betreffend / so in disen zeitē / zwitrechtig ge-
 haltē vn dem volck fürgetragen werdē / angesücht wordē / der
 mainung / Das wir die fürnemsten artickel / darob sich sollich
 erzwitracht erhebt / selbs bedencken vnnd ermessen. Vnnd
 nachuolgend / was darinn zūhalten / auß güttem vnd besten
 digen grunde der heyligen schrift / möglichs fleyß anzaygen
 vnnd erklären solten. Welches wir von ewern E. W. nicht
 vnzeytlich bedacht / gehalten / derhalben auch mit aller vnder-
 thenigkeit angenommen / vnnd zū thun / vnserbotten haben.
 Gütter zūuersicht / der allmechtig Gott. werde vnns / seynen
 hailigen götlichen willen / zūerkennen vnd zūeröffnen / ewern
 E. W. aber das selbig trewlich anzünemē / vn gemainem nutz
 zū güt / zūgeprauchen / gnad vnd weysßhait verleyhen / damit
 sein götlich gnad erkant. seyn herlichayt vnnd preys verkün-
 digt / vn vnser seelen hayl gefürdert werd. Welches on zweifel
 alweg geschicht / wo man des von Herzen begert / vnnd seiner
 götlichen gütte on alles wancken darinne vertrawt. Nach
 dem wir aber diser sachen mit grossem fleyß vnnd ernst nach
 gedacht / vnd wo her solliche zwitracht geflossen / emsigtlich
 nach gesücht / haben wir gefunden / das nichts anders dann
 vnwissenhait vnd verachtung der hailigen götlichen schrift
 diser zertrennung ain visprung ist / vnnd zū allerlay yrrthumē
 vsach gegeben hat. Vnnd so man der selbigen allain on alles
 widersprechen (wie billich vn Christlich) volgen wölt / wurde
 on zweyffel / aller menschlichen vngegründten fünde / nebeln
 vnd finsternus vor dem liecht diser sonnen / als baldt weycken
 vnnd verschwinden / Da her wir auch vnsern radt / nicht onn
 frucht / darzū thun / hoffnung habē empfangen / die weyl dye
 hailig schrift lautter vnd klar / ewr E. W. aber die selbigē an

zunemen vnd jr zugehorchenn, biß hieher alweg/nicht allayn
genaigt/sonder auch willig vnd berayt, erfunden sein. Wir
können aber ewrn E. W. auch nicht verbergen, das der rechte
grundtlich verstandt der warhait/so in disem zwyträchtigen
vnd disputierlichen artickeln zu finden vnnnd zu halten fürge-
nommen ist/den meisten teil/auß denen orten der Hayligenn
schriffte vnd vnser glanbens/die von menigklich/als hyerinn
zu ertleren vnnötig vnd zu diser sachen ganz vberflüssig ge-
halten werden möchten/erkant vnd beweyßt wer/den müßn
darumb wir auch ewr. E. W. fleysßig ermanenn vnnnd bitten
sy wöllen die selbigen inn kainen weeg, so sy hyerinn von vnns
gehandelt vñ ertkert werden/als vnnötig vñ die sach wenig
betreffend vberfaren vnnnd auß der acht lassen/Sonder für
ain rechte/veß/verborgenn fundament diser gannzen sachen/
wie sie dann auch in der warhait sein/halten vnnnd zuberghen-
nemen/dero in kainē weeg vergessen/sonder allweg in frischer
gedechtnus als ein pünende sackeln in jrn henden/die finstern-
us diser zwittracht zu erleuchten/Vnnnd ainer yettlichen opi-
nion vnd mainung farbe/ob sie gut oder böß sey/zuhuthaylen
behalten. So das geschicht/sein wir gütter hoffnung/ewr
E. W. werden der warhait gütten vnd vnüberwindlichen
bericht empfahen/denen wir vns auch hiemit vnderthenige-
lich vnser vermögens allweg zu dienen erbieten/vnnnd in ire
gunst beuelhen.

Ewr E. W.

Vnderthenige

Die prediger

Dominicus Slespner

Andreas Osiander

Thomas venatorius

Ein Rathschlag auß heyliger göttlicher

schrift/wie vnd weß man sich in disen sárlichen
zeiten/in denen sich mangelay 3wtracht/des
göelichen worts halben erhaben vnd 3u tra-
gen/soll haltenn vnnnd tröstenn. Ainem
Erbern Weysen Rath zu Nürnberg
durch ire prediger/Dominicū Slep-
ner bey Jannt Sebold/Andreas
Osiander bey sant Laurentzen
Thomas Venatorium bey
dem Newen Spital/be-
schreibenn vnnnd vber
antwort. Anno 16.

1 5 2 4



Ir können nicht on sondern grossen schmerzenn
vnnnd forcht der göelichen gerechtigkeit/so vnnser
vnd anckbarkeit byß hyer gestrafft/bedenckenn
vnd betrachten die manigfeltigen vnnnd grossenn
vbertretung der hailigen gebot gottes/vnnnd die schedlichen
misspreuch/so darauß nicht allain in die stercke der alten löb-
lichen preuch (als man sie nent) Sonder auch in den scheyn
des heyligen gottes dienste/3u grosser schmach des Chrißlich
en glaubens erwachsen sein. Dann wir onn alles lawgnen
spüren/vñ vn widersprechlich findē/das nicht allayn in disen
stücken/dero halben yetzo in d gangen Chrißtenheit/geforcht
gezanckt/vnd allerley vnchristlicher verfolgung erweckt wirdt
Sond auch in denen/darinn vnnser seligkeit fürnemlich steet/
erbarmlich in mancherley weys geyrret ist worden/Dann wo
die selbigen vnerrückt/vnd vngefelscht belyben/rayn vnnnd
fleyssig gepredigt/vnd vñ allen Chrißten vestigklich geglaubt
wern worden/3ettrenn on zweyffel die ann deren geringeren
yrrthumb vnnnd misspreuch in die hailigen Chrißtenhait cyn 3u-
reyssen/kainen weg gefunden/Dann wie möchten vns solche

finsternus der yrrthumb vberfallen vnnnd gefangen habenn /
wann wir nicht das aintgliche der welt Christum vnnserm
hern / der die warhays ist verlassen hetten / Darbey wir erken
nen / das die zeyt (danon der hailig Paulus sagt 2. Timo. 4.
Es wirt ain zeyt sein / da sie die hailigen lere / nicht werdenn
vortragen / Sonder nach iren aygnen lusten inen selbs leerer
auffladen / nach dem sie die oren jucken / vnnnd werden die oren
von d warheit abwenden / vnnnd sich zu den fabeln keren / vber
vns erfüllet ist. Vnnnd das alles eben vmb der vrsach wyllen
die Paulus auch 2. Thessalo. 2. anzaigt vn spricht / Darumb
das sie die lieb der warheit nicht haben auffgenommen / das sie
selig wurden / Darumb wirt in got senden kreffte yrrthumb
das sy glauben der lügen / auff das gerichtet werdenn alle die
der warhait nicht glauben / Sonder an der vnnngerechtigkayt
lust gehabt haben. Vnnser freude aber da gegen auch
nicht wenig / das wir augenscheynlich sehen / wie das vnnser
herr Christus desselbigen mit dem Geyst seynes munds / das
ist / mit seinem raynen vnd hailigen wort / ain end zumachen
geweltiglich angefangen hat. Vnnnd nun zum andern mal
gotes zorn / vber alles gotloses wesen durch das heylig Euan
gelion / entdeckt wirt / wie er dan selbs Math. am 24. gesagt
hat / Es wirt predigt werden / das Euan gelion vom Reych /
zu ainer zeugtnus vber alle völker / vnd den wirt das endt
kommen / dann gleych wie die verführung durch falsche pro
pheten vnnnd leerer in die welt eyngeryssenn hat / Das der herr
da selbst auch bezeugt vnnnd spricht / Es werden falsche Chri
sten / vnd falsch propheten auffstecken vnd groß saychen vnd
wunder thun / also das verführet wurde (wo es möglich wer)
auch die aufferweltē. Sihe / ich hab es euch zuvor gesagt. Also
soll auch wyderumb der sache durch rechte Prediger am aller
maisten geholffen werden / dan das heilig Euan gelion / muß
vor dem end / in aller welt gepredigt werden vnnnd der Geist
des munds Christi / muß der verführung ain end machen. Der
halben wollen wir am aller ersten nach vnnserm vermügem /
mit höchstem fleyß / Welches rechte Christenliche leer / vñ wie

vnser herren Jesu Christi/ der selben ainiger Pruiß vnd Leer
mayster sey/ Nachfolgend aber/ welches falsche verführische
leer/ vnd wie der teuffel ein vatter aller lügen/ der selbigen ay-
niger pruiß/ Der Antichrist aber/ des zukunfft nach der wirk-
ung des Satanas ist/ offenklicher leermayster vñ handthaber
sey/ auß der heyligen göelichen schrifft anzeygen vnd beweisen
Dann wo dise hauptstuck recht erkant werden/ mag man dar
nach leychelich vnd on alle beschwerde/ alle anndere jrchumb
vnd zwitteracht öitern vnd ablegen.

Welchs rechte Christliche leer/

vnd zu vnser seligkayt zu
wissen not sey.

Das Erst theyl:

Von zwayerlay leer.



Wissennglich achten wir/ es sey niemands so vn-
uerstendig/ noch so vnerfarn/ der nicht wisse/ das
allweg vnd ye/ zwayerlay wort vnd leere auff erdē
sey gewesen Nemlich zum ersten/ das heylige wort gottes/ das
er selbs/ oder aber durch sein diener die heyligen propheten/ zu
letst auch durch sein eingebornen sun vnnsern herren Jesum
Christum/ vns eröffnet vñd verkündigt hat/ Welches rayn
vñd volkommen in der heyligen schrifft begriffen vñ verfaßt
ist Darnach zum andern das manigfeltig vnd vnbestendig
menschen wort vnd geduncken/ das der teuffel durch sein lüge
(da er der Eva im Paradeys zusaget/ sy wurden weys vñd
klüg wie die göter) gepflanget. Vñd darnach eynes yedem
fürwiz herfür gebracht hat/ welches hin vnd her in der ganz
enn welt/ an allen orten/ in schriften vñd gebreuchenn/ zer-
strewet vnd außgepraytet ist.

Don zwayerlay Reychen.

So sein auch wie yederman wol wayß / zwayerlay Reych / nemlich / das reych gottes vnd das reych diser welt. Das reych gottes / macht durch gottes wort ein glawbig vnnnd selig kind gottes / das ewig mit got veraynigt wirdt / inn jm lebet vnnnd mit jm regiert. Das reych diser welt / macht / durch vndemlich vnd vernünfftig regiment / in den sachen die zu Gottes reych nicht gehönn / vnd darinn er nichts gebotten noch verpottenn hat / ein leydlicher burger / vnnnd weret denen / die got loß sein / vnd inn gottes reych nicht gehören / dz sie iren müßwillen vnd bosshayt / dem nechsten zu schaden nicht üben / lest sie aber jnnwendig got loß bleyben wie es sie gesunden hat.

Innhalt des gangen Radeschlags

Darumb wollen wir auch kürzlich das gottes wort / vnser leben vnd seligkayt / Aber menschen wort / (Soul gottes reich antrifft) vnser verderbenn vnd todt sey erklären.

Wir mainen aber hie allein / die nährischen menschen sünd vnnnd leer / die gott nicht gebotten / vnnnd sie doch / die seligkayt zuerlangen fürderlich vnnnd nötig geacht werden. Dañ was die weltlichen herin vnd obtrayt / disem zeytlichen burgerlichen leben zu güt / ordnenn vnd gebieten / wo das nicht wider gottes wort ist / vnd zur seligkayt nicht nötig geacht / Sonder nun für ein burgerliche ordnung / wie es dann auch ist / gemeynem nutz zu güt auffgerichte vnd angenommen wirdt. Haltem wir nicht allein für leydlich / sunder auch für loblich. Vnnnd seyn dem selben alle vnderthanen gehorsam schuldig / wie das der heylig Paulus zu den Römern am 13. vñ Petrus inn der 1 am 2 capitel vleyßig anzaygen vnd leeren / vnnnd wir an seynem ort zu seynen zeyt auch weytter erklären vnd anzaygen wollen

¶ Von gottes wort / was es im rechten grund / vnd vrsprung / sey.

Das ein Got sey.

Das ein ewiger allmechtiger Got / erschaffer vnd herr aller ding

ding sey/leret vns nicht allain die haylig schrift/ Sondern auch
alle creatur/ die nicht allein mechtiglich vnnnd weyslich er-
schaffen seyn/ Sonder auch wunderbarlich vnnnd ordenlich er-
halten vnnnd ger egiert werden/ Also das sich die gotlosen/ so in
im hertzen sprechen/ es ist kein got (psalm 14. vñ 53. kaynes
wegs mer entschuldigen können. Dann das ihenig (sagt Pau-
lus Rom. 1.) das kinndelich ist an got/ ist offenbar bey in das
got hats in offenbart/ damit/ das Gottes vnsehbars wesen
das ist sein ewig krafft vnnnd gotheit wirt ersehen/ so man des
warnimpt bey den wercken/ von der schöpffung der welt an/
Vnd als David sagt psalm 19. Die himel erzelen die eere got-
tes/ vnnnd die feste verkündet die werck seyner hende/ Ayn tag
sagts dem andern/ vnnnd ain nacht thuts künde der andern/
Derhalben kain volck auff erden ye gewesen ist/ das nicht aynn
won von got empfangen/ vnnnd den selbigen zu eeren/ vnnnd im
zudienen weg gesucht het. Sie haben/ aber alle gefelt vnnnd ge-
yrrt/ dan der natürlich mensch vernympt nichts vom Geist
gottes/ es ist im ain tothait/ vnnnd kans nicht erkennen 1. Cor 2
on die er selbs durch sein götlich wort geleert vñ geweyset hatt
Wie Johannes der tauffer sagt. Johan. 3. Got hat nyemant
ye gesehen/ sonder der eyngeworē Sun/ der da ist im schoß des
vaters/ hat vnns verkündigt/ dann sie müssen alle vom Got
gelert sein. Johan. 6. Esaie 54. Darumb sollen wir vnns
kain maister auff erden nennen/ dan es ist ainer vnser maister
Christus im himel. Math. 23. Derhalbē wölle wir das allein
hören/ was er vnns/ von im selbs/ durch sich selbs vnnnd seyne
diener/ die hailigen propheten vnnnd Aposteln eröffnet hat.

Das nur ain got sey

Das aber auch in der warhait nur ain ainiger got sey/ saygt
die heylig götlich schrift an vil orten lauter vnnnd klar an/ dan
Moses spricht Deut. 6. Höre Israel der herr vnser got ist ayn
ainiger herr. Vnd Paulus 1 Cor. 8. Wir haben doch nur einen
Got/ den vater von welchem alle ding sein vnnnd wir in im 10.
Vnd Gala. 3. Ain mieler ist nicht ains ainigen mieler. Gott
aber ist ainig. Vnd Ephe. 4. Ein herr/ ein Glaub/ ain Tauff

ain got vnd vatter vnser aller / der da ist vber vnns alle / vnnnd
durch vns allen vnnnd in vns allen. Vnnnd 1. Timot. 2. Es ist
ain got vnd ain mieler zwischen got vnd den menschen ic.

Was aber diser got / in seinem göelichen vnnnd verborgenn
wesen sey / das kan nyemandt außsprechen noch begreyffen /
dann er selbs allain / Dann got den herrn hat ye niemandt ge
sehen / Wie der herr Johan. am 5. spricht / Der vater der mich
gesant hat / der selbig hatt von mir gezeuget / Ir habt aber nye
weder sein stym gehört / noch sein gestalt gesehen / Dan es kan
in kein mensch sehen vnd leben. Exodi 33. Er aber allein wie
gesaget ist / erkendte sich selbs nach seinem ganzen göelichen we
sen von ewigkeit her vollkommenlich.

Von gottes wort:

Vnd wie wol solche sein erkantnus ganz eynfeltig / aynig /
vnd vnzertailt / vn̄ ayn ebenbild des vaters / dem vatter ganz
gleych ist. Müssen wir doch vn̄ menschliches verstandts
schwachait willen / weyleuffiger vnd nach menschlicher art
dauon reden vnd sagen / das er nicht allain erkenn / was er ist
sonder auch wie / wann / vnnnd warumb er alle ding auß nicht
gemacht vnd was er in vns / oder außserhalb vnser / in andern
creaturn / schaffen vnd würcken / vn̄ wie er alle ding erhalten
vn̄ regiern wöl. Des gleichen was jm in vns vn̄ all̄ and̄n crea
turn / gefellig oder nicht gefellig sey. Item was er erhalten
vnd pessern / was er straffen vnnnd verderben wie er alle ding
zu seynem ewigen preys hynans füren / vnnnd vollenden wöl /
vn̄ nicht das allain / sonder auch alles anders / was er yemals
von ewigkait zu ewigkait gedencet / weys / oder will / das wyr
nichts begreyffen noch erforschen können. Dises alles / ist in
got dem vatter ain ainig / ainfeltig / lauter / ewig vnnnd vnuer
wandelte erkantnus. Vnd wirt in der hailigen schrift / gotes
herz / sinn / gedanken / wort / weisheit / ratschlag / krefftiger
arm / gerechte hand / vnd aingeporner Sun genennet. Vnnnd
wie wol jm dise namen allzumal wol gepürn / vnd in der heyligen
schrift mit grosser lieblichkeit oft vnd vil geprauchet wer
den / Ist doch der aller best geprauch / das mans gottes wort.

vnd Sunn nenne / Des wir vns auch hiarin am maystenn
pleyssen wollen.

Das gottes wort nicht ein stym sey.

Es soll im aber niemant ein sollich wort fürbildenn / wie
eins menschen wort ist / das mit dem mund geredt wirt / vnd
ein stym ist / Sonder vil mer ein innewendig geyslich wort /
welches durch das mündelich / als durch sein zaychen / her für
gepracht vnd angezaygt wirt / vnd doch nichts bestimder
innen pleybt / Vnd ist nur ein einigs wort / Wie auch das nur
ein einig gölich wesen ist / das im wort abgebildet wirt / vn-
angesehen / das man vil taußent wort darzu bedarff / Wann
mans in außwendiger stym vnd menschlicher sprach wil an-
zeygen vnd auß sprechen.

Das gottes wort von ewigkayt her sey:

Also begreiffst / versteeet / erkennet vnd bildet sich gott ab inn
seynem heyligenn gölichenn wort / das ist / er gepürt ein Sun
vnd das on allem anfang von ewigkayt her / Dann wer wolt
so töricht vnd vnfinning sein das er spräch / Gottes sun / oder
wort hat ein anfang? Vnd were vor zeyten nichts gewesen?
Dann da war als bald gott der vatter zur selben zeyt / die weiß
er noch nichts erkannt / noch gewußt hat / das ist seinn wort
noch nicht geporn / auch kein got gewesen / het auch nit mögen
leben / dann das leben ist im wort iohannis 1. Darumb hat
got der vater das wort von ewigkayt in jm gehabt vnd gebo-
ren gleych wie er auch von ewigkayt gewesen ist / Das bezeuget der
heylig Johannes am ersten capitel vnd spricht / Im anfang
war das wort / das ist / Da got im anfang hymel vnd erdenn
erschuff wie Moyses sagt / war das wort zuor da vnd dorffte
nit erst werden / Vor dem anfang aber war kein zeyt / sonnder
alles ewig / vnd also das wort auch ewig / wie das Salomō in
seinen sprüchen am 8 capittel noch klärer beschreybt / dann da
spricht die ewig weyßhayt / das ist das wort gottes / also / der
herre hatt mich gehabt im anfang seiner wege / vor seinem
werck / dazumal war ich Ich bin eingesetzt von ewigkayt. von

anfang vor der erden/da die tiffen noch nicht waren/da war
ich schon fertig/ Da die brunnen noch nicht wasser quollenn/
Le denn die berge eingesenckte waren für den hüßeln/ war ich
fertig/ Er hatte die erden noch nicht gemacht/ vnd was dran
ist/ noch die berg des erdbodens Da er die himel bereitet/ war
ich daselbs/ Da er die tieffe mit seinem zil verfasset/ Da er die
wolcken doben heffet/ Da er festiger die brunne der tieffen/
Da er dem möre das zil setzet/ vnnnd den wassern das sy nicht
vbergehen seinen befelch/ Da er den grund der erden legt/ Da
war ich bey jm vnd fertigets/ Vnd hatte meinenn lust täglich
vnd spilet vor jm allezeit/ Vnnnd spilet vff seinem erdbodem/
Vnd meine lust war bey den menschenkinder. So gehorche
mir nu meine kinder/ Wol denenn die meine wege behaltenn
höret die zucht vnd werdet weyse/ vnnnd lasset sy nicht faren
Wol dem menschen der mir gehorcht/ das er wache an meiner
thür täglich/ das er warte an den pföstenn meiner thür. Wer
mich findet/ der findet das leben/ vnd wird schöpfen wolge
fallen vom herinn. Wer aber an mir sundigt/ der verleret seyns
sele. Alle die mich hassen/ lieben den tod Also ist genugsam be
weyset vil angezeygt/ das gottes wort/ von ewigkayt her ge
west sey

Warumb es Gottes wort ist.

Nun spricht der heylig Johannes weytter/ Vnd das wort
was bey got. Das wer aber nach dem Kriechischen klärlicher
vnd artlicher verteütscht/ Wann man sprech/ Das wort ge
höret zu gott/ Dann es gehöret im zu/ vnnnd ist seyn wort.
Erstlich darumb/ das er der ist/ der das wort gepüret/ Nach
mals darumb/ das das wort ein ebenbild seynes wesenns vnd
ein glantz seiner herlichkayt ist Wie zu den Hebreern am ersten
capitel geschriben stet Dann ein yegklich wort/ gehöret erstlich
dem zu/ der es in jm hat oder auß spricht/ vnnnd darnach dem
des bild vnd namen es ist/ vnnnd darvon es gesprochen wirdt
Also gehöret gottes wort/ inn beyde wege zu gott.

Wie gottes wort got selbs ist.

Darnach triffte der haylig Johannes erst recht/die art vnd krafft des worts vnd spricht/Gott war das wort/Dann ein yegklich wort ist ein ebenbild/das die erkandtnus macht von dem ding/das sie erkennen/Die selben ebenbild aber seind vnter einander fast vngleich/Dann so ein mensch etwas laiblich es erkent/empfahe er ein bild dauon/in seiner erkandtnus/welches bild/erstlich ganz abgesondert ist von dem ding/darvon es gebildet wirt/Nachmals ist es auch nicht ein bilde des ganzen wesens/sonder nur des außwendigenn scheins/vnnd ansehens/oder aber der zufälligen eygenschaften Als so einer eynen menschen kennet/hat er ein ebenbild vom selben/sey im darein er sehen vnd es in seinem gemüt anschawen vñ betrachten kan/wan schon ihener nicht bey im/sonder vber tausent meyl ist Aber das bild zeygt nicht das ganz wesen des menschen an/Sonnder nur die groß/farb/vnd ordnung oder proportion seyner gelider/vnnd andre eygenschafft des mensche Das recht wesen aber ist nicht im bild der erkandtnus. So aber ein mensch ein geystlich ding erkennet/schöpffe er im in seyner erkandtnus auch ein ebenbild/vnd das selb ebenbild/lest sich nicht absondern von dem/des bild es ist Desigleychen schleüßte das bild in sich nicht allain ein schein/sonder auch das ganz recht selbstendig wesen/des geystlichen dinges/des bild es ist/Als wenn einer ein kunst soll vnd wil recht erkennen/muß er sie zuvor lernen/vnd also die kunst inn seynem verstand/nach allem irem recht selbstendigem wesen fassenn. Wann er sy inn begriffen vnnd gefasset hat/so stellet er sie zu einem bild schawet sy an/vnnd kennet sy dann recht vnnd volkommelich was es doch für ein kunst sey Vnnd so man im die kunst neme/belieb das bild auch nimmer da/vnder könt auch nimmer wissen was es für ein kunst were. Desigleichem/wann man im das bild nem/belieb die kunst auch nimmer da/dann die kunst so er wesenlich in seinem verstand hat/vnnd das bild dadurch er die kunst erkennt/ist als ein aynig ding/vnd inwendig wort

B ij

vnd ist nichts im der kunst/das er nicht im bild ansehe/ so ist
auch nichts im bild das nicht die kunst selbs sey So dann
nun das in irdischen dingenn also erfunden wirt wie vil mer
ist es inn Gott also / inn dem doch nichts dann das aller ein-
faltigst wesenn gefunden wirt/ Er ist ye gott/ so erkent er sich
auch vñ das durch ein bild/ das bild aber ist ebē der selbig got
Dann gott ist ein geyst/ Johann 4. darzū ist er vnendlich / vñ
ann allen ortenn / Derhalben was er für ein bild gepürt/ das
ist vnd muß got selbs sein/ dann er kann ye kein bild sein selbs/
das gott nicht ist/ yrgen an einem ort bildē / die weyl er selbs an
allen orten ist. Darumb ist es ganng crefflich hoch vnd arte-
lych geredt zū den Hebreern am 1. do er spricht Das wort oder
der Sun/ sey ein glantzeyner herligkayt/ vnd ein ebenbild seyn-
nes wesens. Wiewol es Johannes noch kürzer auß redet vnd
ebenn so recht/ da er spricht/ Got war das wort/ Das ist / da
sich gott erkennet/ Gleiſt sein ganz gölich wesen in das bilde
vnd das bilde/ ist das recht inwendig / ewig wort gottes/ gott
selbs/ Das war nun im anfang bey gott.

Das durch gottes wort alle ding erschaffenn seinn.

Alle ding sein durch es gemacht/ vnd on es ist nichts ge-
macht/ das gemacht ist / spricht Johannis am 1. wie auch der
Apostel zū den Hebreern spricht/ Durch den er auch die welt
gemacht hat Das zaygt auch Moses im erstenn Buch am
erstenn Capitel klärlich an / da er sagt Got sprach es werd ein
licht/ vnd es ward ein liecht. Vnd was leret er im gangenn
Capitel daselbst anders/ dan das got spricht vñ es geschicht
wie David am 148. psalm. sagt Er gepetit so wirts geschaff-
en/ Vnd Esaie am 48. Ich bin der erst vnd der lest/ mein
handt hat das erdtrich befestiget / Vnd mein gerechte/ die hy-
mel gemessen vnd am 66. capit. Mein handt hat dises alies ge-
macht/ vnd es ist also worden Sein handt aber vnd sein wort
wie droben gesagt/ ist ein ding/ Dann gleich wie des mensche
seel inn allen gliedern gegenwertig/ allein durch iren willē alle

adern regt/vnnd alleglyder bewegt/ Dann sy ist ayn Gayst/
vñ hat kein andern werckzeug die glieder zūbewegen/ dan den
willen/ Also wil mer/ Got der vater vnser aller/ der da ist vber
vns alle/ vnnd in vns allen/ wie Paulus zu den Ephesern am
4. cap. sagt/ Bewegt/ wirckt/ macht/ bricht/ vnd endert alle
ding wie es jm gefelt/ allein durch seinen willē/ Das ist durch
sein götlich wort/ Darumb ist auch wie Johannes sagt/ onn
es nichts gemacht/ das da gemacht ist/ Sonder alles das da
ist/ vnd noch werden soll/ ist alles zuvor in gottes Rath vnnd
wort verfasst/ vnnd von ewigkayt beschlossen. Vnd wo das
nicht were/ möcht der keins nimmer mer jns werck komen noch
erschaffen werden.

Das gottes wort vnwandelbar sey.

Man soll aber in keinen weeg gedencen/ das solches all-
mechtigs wort gottes/ das gott selbs ist wandelbar/ vnnd
der zeyt vnderworfen sey/ Also das er yetzo etwas wiß/ wöll/
oder fürneme/ das er nicht von ewigkayt gewist/ gewelt/ vnd
beratschlagt het/ oder aber/ wan er etwas fürgenommen habe
das er wider daruon fall/ vnnd ain anders fürnem/ Dann
gottes wort ist nicht allain von ewigkayt alweg geweest/ Son-
der es bleibt auch in ewigkayt vnerruckt/ vnd vnuerwandelt
wie Esaias am 40. sagt vnnd spricht/ Alles flaysch ist hewe/
vnnd all sein herlichait als ain blüm des felds/ das heru ist ver-
dorret/ vnnd die blüm gefallen/ Aber gottes wort bleibt ewig-
klich/ vnd David am 118. psalm In ewigkayt heri bleibt dein
wort/ vnd Malachias am 3. Ich bin heri vnd wird nicht ver-
wandelt/ vnnd Numeri am 23. Got ist nicht als ain mensch
das er möcht liegen/ noch als ains menschenkind das er sich
möcht wandeln. Dan was er ain mal in ewigkayt beschlossen/
vnnd in seinem wort verfasst hatt/ Das muß also bleybenn
kan nicht verruckt noch geendert werden/ das sagen wir aber
darumb/ das yederman merck vnnd verstee/ wye vnchristlich
die handeln/ So jm heilige wort verkeren/ Vnd was er
verpotten hat/ wider erlauben/ Was er gepotten hatt/ wyder
auff heben vnnd weg nemen/ Vnd was er frey gelassen hatt

wider verstricken/vnnd seiner freyhait berawben/ Dann als
wenig got/nicht got sein kan/als wenig mag sein wortt gem-
dert vnnd verruckt werdenn/Es erlawbe yeder was er wöll/
Was gott gebent/das ist vnnd bleybt ewig gebotten/Was er
verbent/das ist vnnd bleybt ewig verbotten/Also auch/was
got frey leßt/das ist vnnd bleybt ewig frey/Es müß auch ehe
himel vnnd erden zergeen/ehe gottes wort/damit die freyhait
eyngesetzt ist/zurück solt geen. Vñ wie wol man in den dingen
die frey sein/on allen schaden thun vnd lassen mag/So ferne
nicht wider die lieb gehandelt werd/Kan mā doch/was frey
ist/on verfelschung/der götlichen warhait/die gott selbs ist/
weder gebieten noch verbieten/Sonder müß es frey beleyben
lassen.

Das ain yetlicher müg thun vnd lassen wie vnd wann er will.

Dañ gottes wort vnnd will/der es frey gesetzt/lat sich nicht
endern/himel vnd erdtrich (spricht er Math. am 24) werdē
zergeen/aber meine wortt werden nicht zergeen/So laßer ye-
mandt hye wurdet fragenn/Warumb hat dann gott das Alt
Testament abgethon: Warumb bleibt es nicht auch ewyge;
Da antwurten wir künzlich/Es ist gottes mainung/wortt/
vnd will/nye anderst gewesen/dann das/das alt testament we-
ren soll biß auff Christum vnnd nicht lenger/wie die schrift
an vil orten anzeigt/Vnd ist noch also in got (wann Christus
nicht komen wer/so müsten wirs noch halten) vnd wirt ewig
also bleiben. Es hat got noch nye gerawen vnd wirt in auch
ewigklich nicht gerewen/Das er das alt testamennit/vor der
zukunft Christi geordnet hat. Darumb bleybt ewig seyn will/
das das alt testament/vor der zukunft Christi gehalten seyn
soll vñ nicht lenger. Also haben wir auffstürzest angezeyget
was gottes wort in gott sey/Nemlich ain vollkomme erkande-
nuß gottes. damit er sich selbs vnd allen seynen willen vnnd
werck erkenn/Welche gottes hertz/sinn/gedanncken/wortt/
weißheit/ratschlag/hand/arm/vñ sun/in der heilige schrift
genennet

genennet werd/vñ von got/nicht mündlich/wie der mensche
wort gesprochen/sonder inwendig geporn werd/Desgleichen
das es kein anfang ye gehabt/Sonder ewiglich vom vatter
geborn/alweg vollkommen/got selbs/vnd vnwandelbar sey

Vom hailigen Geist

Weden wir aber weytzer faren vnd anzeygen/wie es im
vns kom vnd würck/vnd wie wir vns darzu sollen halten/
wollen wir vor ain wenig auch vom hailigen geist sagen/auff
das man alles so hernach volgen wirt/desterbass verstehen vñ
begreyffen mög/Vñd so man den hailigen geist nennet/sol
nyemand gedencen/das er allain darumb ain geist genennet
werd/das er nicht leiplich vnd sichtlich sey/Dann dermassen
ist der vatter vnd der sun auch ain geist/sonder vill mehr da-
rumb/das er ain Geist vom vatter vñd vom wort außgeet/
das müssen wir abermals durch gleichnus der creatur an-
zeygen/also/Ain yetlich ding hat sein geist/nemlich ain traw-
rigen oder frölichen/ain hohen oder nydrigen/ain frischen od
schlefferigen/ain tröstlichen oder erschrocklichen/ain lustige
oder grewlichen ain freundlichen oder feyndseligen/vnd woz
der vndercheid mehr mögenn sein Es hatt auch ain yetlich
wort oder rede yren geist dergleyche/Aber doch nicht von im
selbs/sonder von dem der es redet/oder aber von dem dinng/
darvon es geredet wirdt/als wann ain ernstlich man von ain
em erschrocklichen ding redet/so hat die red auch ain erschro-
cklichen geist/vnd der entspringt nicht auß dem wort/sonder
auß dem der redet/vñd auß der sachen darvon mann redet/
vñd ist doch im wort/vnd alle die das wort hören vñd glaube
empfehen den selben geist vñd erschrecken ob dem erschro-
cklichen ding/darvon mann redet/Also müssen wir durch dyse
oder ander solche gleichnus auch gottes geist erkennen dann
got ist allain gut/vnd ain prinn alles gütten/vñd hat auch
ain geist darvon wir yezo reden/Was aber der selbig geist sey
können wir nicht vollkommenlich begreiffen noch aussprechen
die heylich schrift aber zeigt in gemainiglich durch die lieb an
Denn der geist ist gleych ein inwendig ringen vñd dringen

wider verstricken/vnnd seiner freyhait berawben/ Dann als
wenig got/nicht got sein kan/als wenig mag sein wortt gem
dert vnnd verruckt werdenn/Es erlawbe yeder was er wöll/
Was gott gebent/das ist vnnd bleybt ewig gebotten/Was er
verbent/das ist vnnd bleybt ewig verbotten/Also auch/was
got freylest/das ist vnnd bleybt ewig frey/Es müß auch ehe
himel vnnd erden zergeen/ehe gottes wort/damit die freyhait
eyngesetzt ist/zurück solt geen. Vñ wie wol man in den dingen
die frey sein/on allen schaden thun vnd lassen mag/So ferne
nicht wider die lieb gehandelt werd/Kan mā doch/was frey
ist/on verfelschung/der götlichen warhait/die gott selbs ist/
weder gebieten noch verbieten/Sonder müß es frey beleyben
lassen.

Das ain yetlicher müg thun vnd lassen wie vnd wann er will.

Dañ gottes wort vnnd will/der es frey gesetzt/lat sich nicht
endern/himel vnd erdtrich (spricht er Math. am 24) werde
zergeen/aber meine wortt werden nicht zergeen/So aber ye
mandt hye wurdte fragenn/Warumb hat dann gott das Alt
Testament abgethon? Warumb bleibt es nicht auch ewyg?
Da antwurten wir kurglich/Es ist gottes mainung/wortt/
vnd will/nye anderst gewest/dann das/das alt testament we
ren soll biß auff Christum vnnd nicht lenger/wie die schrift
an vil orten anzaigt/Vnd ist noch also in got (wan Christus
nicht komen wer so müßten wirs noch halten) vnd wirt ewig
also bleiben. Es hat got noch nye gerawen/vnd wirt in auch
ewigklich nicht gerawen/Das er das alt testament/vor der
zukunft Christi geordnet hat. Darumb bleybt ewig seyn will/
das das alt testament/vor der zukunft Christi gehalten seyn
soll vñ nicht lenger. Also haben wir auff's kurgest angezeyget
was gottes wort in gott sey. Nemlich ain vollkomme erkande
nuß gottes. damit er sich selbs vnd allen seynen willen vnnd
werck erkenn/Welche gottes hertz sinn/gedanncken wortt/
weißheit/ratschlag/hand/arm,vñ sun/in der heilige schrift
genennet

genennet werd/vñ von got/nicht mündlich/wie der mensche
wort gesprochen/sonder inwendig geporn werd/Desgleichen
das es kein anfang ye gehabt/Sonder ewiglich vom vatter
geborn/alweg vollkommen/got selbs/vnd vnwandelbar sey

Vom hailigen Geist

Weden wir aber weytzer faren vnd anzaigen/wie es im
vns kom vnd würck/vnd wie wir vns darzu sollen halten/
wollen wir vor ain wenig auch vom hailigen geist sagen/auff
das man alles so hernach volgen wirt/desterbass verstehen vñ
begreyffen mög/Vñd so man den hailigen geist nennet/sol
nyemand gedencken/das er allain darumb ain geist geneniet
werd/das er nicht leiplich vnd sichelich sey/dann dermassen
ist der vatter vnd der sun auch ain geist/sonder vill mehr da-
rumb/das er ain Geist vom vatter vñd vom wort außgeet/
das müssen wir abermals durch gleychnus der creatur an-
zaigen/also/Ain yetlich ding hat sein geist/nemlich ain traw-
rigen oder frölichen/ain hohen oder nydrigen/ain frischen ob
schlefferigen/ain tröstlichen oder erschrocklichen/ain lustigē
oder grewlichen ain freundlichen oder seyndseligen/vnd w-
der vndercheid mehr mögenn sein Es hatt auch ain yetlich
wort oder rede yren geist dergleyche/Aber doch nicht von im
selbs/sonder von dem der es redet/oder aber von dem ding/
darvon es geredet wirdt/als wann ain ernstlich man von ain-
em erschrocklichen ding redet/so hat die red auch ain erschro-
cklichen geist/vnd der entspringt nicht auß dem wort/sonder
auß dem der redet/vñd auß der sachen darvon man redet/
vñd ist doch im wort/vnd alle die das wort hören vñd glaube
empfahen den selben geist vñd erschrecken ob dem erschrock-
lichen ding/darvon man redet/Also müssen wir durch dyse
oder ander solche gleychnus auch gottes geist erkennen dann
got ist allain gut/vnd ain prinn alles gütten/vñd hat auch
ain geist darvon wir yetzo reden/Was aber der selbig geist sey
können wir nicht vollkommenlich begreiffen noch aussprechn
die heylig schrift aber zeigt in gemainiglich durch die lieb an
Denn der geist ist gleych ein inwendig ringen vñd dringen

das ist ain außspringende lust vñ begir / darmit herfürbrichet
sein aigen vnd aller höchstes werck / das ime allein gezymer zu
würcken vnd offenbar zū machen / Seyn werck aber das ime
als dem höchsten güt all ain eygnet / ist nicht anders / dan sein
güte erzai gen / Vnd der selben alle creatur / nach dem vnd ayn
yetliche des empfanglich ist teylhafftig machn / solcher geist
kan nach menschlicher art nicht anderst dann die lieb genen
net werden / Darumb Paulus zu den Römern am 5. spriche
Die lieb gottes ist durchgossen in vnser hertz / durch den heylig
gen geist der vns geben ist / Des gleichen Johannes in seynem
ersten epistel am 4. cap. Got ist die lieb / vñnd wer inn der lieb
bleybt / der bleibet in got vñnd got in im / Also ist gott der vater
ter ain vrsprung des worts vnd des geysts / Das wort aber ist
ain ebenbild des vatters vñnd des geysts / Dann der geist des
vatters ist auch im wort / vñnd der gaist geet auß vom Vatter
vnd vom wort / vnd ist ain yede person das ganz wesen göttli
cher maiestat. Wie das hernach weyter erklet soll werdenn /
dan biß hie her haben wir nur ain grund gelegt / aber ein rechte
bestendigen vñnd ewigen grunde darauß wir nachuolgende
wollen bawen.

Das götliche wesen vnaußsprichlich sey

Es soll aber auch nyemand darfür halten / dß die gleichnuß
durch welche wir das geheimnus götlicher natur / wie wir ge
möcht / anzeygt vñnd endeckt haben / Der meinung seyn ayn
geführt / als solten sy zu solcher erkantnus gnügsam sein / dann
was möcht man inn allen creaturen finden / Das gott seynem
schöpffer in alweg gang gleych wer / oder wer mag in außspre
chen / dann er selbs / Sonnder allain das wir damitt dye ver
munnfft gefangen nemen vnder den gehorsam Christi / das sie
seynem wort glaub vñ nicht zweyfel / Darumb das sy es nicht
begreifen kan / Dan dß solche gleichnuß nichtt schedlich noch
gar zuuerwerffen sein / zaygt gott der her selbs gnügsam an
da er spricht Gene. 1 Last vns ain menschen machen / ain bild
das vns gleych seye. Ist dann der mensch gott gleych so kan
man auch durch gleychnus menschlicher natur / die götlichen
natur etlicher maß anzeygen.

Was recht Christliche leer sey

Nach dem wir nun den grund geleget / vnd was gottes wort
sey angezeygt haben / wollen wir sehen / welches Cristliche leer
vnnnd zu vnnsrer seligkayt not sey Vnnsrer selikeit aber ist dz ewig
leben / Das erlangen wir durch das wort gottes / Dann Christ
us der her spricht Johannis am 1 > . Das ist das ewig lebenn.
dz sy dich / das du warer got bist / vnd den du gesandt hast Je
sum Christum erkennen / Nymandt aber weysß wer der sun ist /
dann der vatter / vnd niemant weysß wer der vatter ist dann
der sun / vnd wem es der sun wil offennbarn Luce 10. Wer nu
das ewig leben wil habenn der muß Christum hören / dann er
hat die wort des ewigen lebens wie Petrus sagt Johannis 6.
Darumb der heylig Johannes am 1. capit. seins Euangeliiß
auch zeuget vnd spricht / In jm war das leben / vnd das leben
war ein licht der menschen Desgleichen am ersten capittel sei
ner Epistel spricht er / Das da vom anfang war / das wir
gehört haben / das wir gesehen haben mit vnsern augen / das
wir beschawet haben / vñ vnser hend betastet haben von dem
wort des lebens vnd das leben ist erschinen / vnd wir habens
gesehen vnd zewgen vñ verkündigen euch das leben das ewig
ist / welches war bey dem vater vnnnd ist vnns erschienen 2c So
nun das leben allain im wort das got selbs ist / gefunden wirt.
Also das auch in got kein ander leben ist dann das wort / wer
wil nicht sehen / das wir zum ewigen leben auch keiner andern
leer bedürffen / dann das wort gottis alleyn? Wer ewig leben
wil der muß got erkennen / In erkennet aber nymannd / dann
durch sein wort / vnd das wort ist got selbs / So muß nun der
vater sein wort das von anfang bey got ist gewesen / vnns eröff
nen / dann es kann sonst nymandt thun. Dieweyl den sun
das ist das wort nymandt kennt / dann der vater / vnd so vns
das wort eröffnet wirdt / kennen wir den vater auch / den doch
sonst niemant kende. dann wem es der sun oder das wort wil
offennbarn Wem nun der vater das wort offennbart / dem of
fenbart widerumb das wort den vatter / dann es kann nicht

geschyden werden / wie der herren Johann 1 4 spricht / Philppe
wer mich gesehen hat / der hat den vater gesehen / Dann er ist
ein ebenbild seines wesens / vnd der glantz seiner herlikheyt he. 1
Also erkennet mann gott den vatter / vnnnd das wort / das er ge-
sendet hat / vnd lebet ewiglich.

Das eusserliche predig nur ein werckzeug sey.

Es möcht aber hie yemand fragen vnd sprechen Ich hö-
wol das gottes wort im anfang bey got vnnnd gott selbs ist / vñ
das inn jm das lebenn vnnnd alle selykayt ist / wie kann mann
aber darzu kommen / vnnnd dasselb erlangenn? Das wort das
man vns predigt vnd gottes wort nennet / das ist ye nur ein auß-
wendig stym vnd menschlich wort das durchs menschē mund
ein anfang vnnnd im lufft bald wider ein ende nimpt /
Gottes wort aber ist ein innwendig geystlich / ewig / verbor-
gen wort das got selbs ist / Was furdert oder würckt das mensch-
lich predigenn zu dem / das gottes lebendig wort in vnns sey?
Da antworten wir kürzlich also Es ist recht vnd war / gottes
wort ist ein innwendig geystlich ewig vnd verborren wort / Es
wirt aber vns durch das außwendig wort eröffnet vnnnd mit
geteylet / Dann wer versteet nicht / das aller menschenn sprach
allayn darumb erfunden sein / das einer dem andern sein ge-
danken vnnnd sein innwendig wort vnd meynung mög anzei-
gen? Das eusserlich wortt ist nichts das innwendig / es zeigts
aber an vnd machts offenbar / gleich wie die schrift auch kein
stym sonnder nur farb ist / sy zeigt aber dennoch an / was eyn
mensch mit lebendiger stym geredet hat / oder gern redē wolt
So der mensch sein innwendige maynung mit der zungen
ausspricht / behelt er sy doch in jm / vnnnd vergift der selbenn mit
Desigleychen empfacht sy auch der jm zühöret / Wiewol ers
vornicht gehabt hat / das eusserlich wortt verschwinndet / das
innwendig aber behalten sy beyde / Also ist es auch mit gottes
wort / gott erkennet sich selbs von ewikeyt / vñ dieselbig erkant-
nuß ist sein innwendig wort / vnd got selbs / Wann er inn das

selbig ynnwendig götlich wort/durch das außserlich wort so
vil wir mögen begreiffen/anzaygt/oder seine diener die es von
im haben anzaygen/lest/nemlich was er sey/so empfahē alle
die es hören/glauben vñ behalten/eben die selbigē erkantnuß
die er in im selbs hat/das ist daß das recht lebendig wort got-
tes/got selbs/vnd ist nicht ain außserlich wort in der stym/son-
der es ist die maynung vñnd der syn/der durch das außserlich
wort angezaigt/vñnd in vnser hergen gepflanget wirt. Das
alles zaigt der herr lautter vñnd klar im Euangelio Johan. 8.
Da in die Juden fragten vñnd sprachen/Wer bist du? Da ant-
wort er in/anfenglich/eben das ich mit euch rede. Nun weyß
ain yetlicher Christ wol/dz der herr nach seiner menscheit kein
wort/sonder flaisch vñnd blüt ist/Aber sein götlich natur ist
das wort vñnd die weyßhait des vatters/dasselbig redet er mit
den Juden/vñnd eröffnerts in durch das außserlich wort/Wer
es nun glaubet/vñnd behelt/der hat Christum selbs. Danner
ist eben das er redet/wie er Johann. am 6. auch spricht/Die
wort die ich rede sein geist vñ leben/nicht die wort die im lufft
klingen vñnd verschwinden/sonder die maynung vñnd der syn/
der in den glaubigen hergen bleybet. der selb ist geist vñnd lebē
vñ got selbs/Darumb spricht er auch Joh. am 14. Wer mich
lieb hat/wirt meyn wort behalten/vñnd mein vatter wirdt in
auch lieben. vñnd wir werden zū im kommen vñnd wonung bey
im machen. Desigleychen Luce am 1. Selig sein die dz wort
gottes hören vñnd dasselbig behalten/Dann wer seyn wort hö-
ret/glaube behelt vñnd im fleysig nachgedenckt/der empfa-
het die rechten mainung den rechten syn vñnd verstand/das
ist daß das lebendig wort gottes/got selbs. Von nun das wort
ist/da ist auch der vatter/Darumb spricht er/Wir werden
zū im kommen vñnd wonung bey im machen/vñnd da ist auch
der hailig geyst nemlich die recht götlich lieb wie er spricht.
Johan. am 17 Vatter ich hab in deinem namen kundt thon
auff das die lieb/damit du mich geliebt hast. sey in in/vñnd ich
auch in in. Vñnd Johan. am 19. Wer an mich glaubt wyedie
schriffte sagt/von des leyb werden fließen flüß des lebendigen

wassers / Vnd Johan. 4. Wer des wassers trincken wirt des
ich) in gebe, den wirt ewiglich nicht dürsten, sonder es wirt
in) in ein prun werden der in das ewig leben quillet Vnd Jos.
am. 6. Wer an mich glaubet / den wirt nimmermer dürstenn/
das ist / wer meine wort höret vnd glaubet, der hat mich selbs
Dann ich bin das wort, er hat auch den vater / Dann der vater
ist im wort / er hat auch die liebe des vaters die der vatter zum
sun hat / das ist. den heyligen geyst die selbig liebe bricht wider
her auß / vnd würdt wie ein quellender prun erzeyget d) nech-
sten als güt / vnd erfüllet das gesetz / wie paul⁹ zum Römern
am 13. sagt Wer den nechstē liebt / hat das gesetz erfüllt / dan
wo die lieb ist / da geet es alles recht geschaffenzu wie Paul. 1.
Cor. 13. Beschreyb vnd spricht Die lieb ist lanngnüttig vnd
freündlich / die lieb eyffert nicht / die lieb schalcket nit / sie ble-
het sich nit / sy stellet sich nit hönisch / sy sücht nicht das ire / sy
lest sich nicht erbittern / sy gedencet nichts arges / sy freuet sich
nicht vber der vngerechtkayt / sy frewet sich aber mit der war-
heyt / sy vertregt alles / sy glaubt alles / sy hoffet alles / sy duldet
alles. die lieb verfelle nimmermer so doch die weysagung auf
hören werden / vnd das erkandnus auff) den wirt ic Also ist
die lieb ein rechter prun aller gütten werck / vnd springt in das
ewig leben / das ist / die selbigenn werck die also der heylig geist
in vns würckt / geltenn allain vor gottes gericht / vnd behaltet
vns im ewigen leben / Also ist klar vnd offenbar / dz wir durch
den glauben an das wort gotes gerecht fertigt / vnd mit got
vereinigt werden Darumb spricht auch Paulus Corin. 6 Wer
got anhangt der wirt ein geyst mit im / vnd der heri Joan. 17
Ich bitt aber nit für sy allein / sonder auch für die / so durch ir
wort an mich glauben werdenn / auff das sy alle einns seyn
gleich wie du vater in mir vnd ich inn dir / das auch sy inn vns
eins seien / Vnd ich hab in geben die klarheyt die du mir geben
hast / daß sy eins seyn / gleich wie wir eins seyn, ich in jnen vñ
du in mir auff dz sy vollkommen seien in eins Vnd Paul⁹
zu den Phil. am 1. Christus ist mein leben / Vñ zu den Galla
am 2. Ich lebe / doch nun nit ich / sonder Christus lebet in mir

Dann was ich leb im fleisch / das leb ich in dem glauben des
suns gottes / Wann wir dann also durch den glauben mit got
verainigt / sein wir in jm vn̄ er in vns ist / so habē wir das ewyg
leben / Der halben beschleußt sich herauß vn̄ überwintlich das
wir zu der seligkeit / kayner andern ler bedürffen / dann des le-
bendigen wort gottes / welches got selbs ist.

Wider die falschen propheten

Es soll vnnd muß aber / durch das eusserlich predigen / alle
durch den rechten werckzewg / in vns gepracht vn̄ gepflanzet
werden / wie droben angezaygt ist Dannes hat got also gefal-
len / dieweil in die welt inn der weyßhayt nit erkennt hat / dz er
sy durch tödliche predig wil selig machen / wie Paul. 1. Corin 1.
meldet / Vnnd das sagen wir darumß das man sich die buben
nicht verführenn laß. die vil vonn der lebendigen stym gottes
fürgeben / die schrifft vnd das außwendig wort verwerffenn
vnd doch in der warhayt nichts daruon wyssen / Dañ wir mer-
cken wol / was der teuffel im synn hat / vnnd durch sy gern ann-
richten wolt / wann er die schrifft / als dörfte man / jr neben dē
lebendigen wort nicht / vertruckt / so möcht er dann vnter dem
schein des lebendigen wort gottes sein tödlich giffe vn̄ lügen /
durch falsche gesicht vnd offenbarung wider auffrichtenn /
daruor vnns Paulus 2. Cori. 11 treulich warnet / vnd spricht.
Solche falsche Apostel vnd trügliche arbaytter verstellē sich
zu Christus Aposteln / Vnnd das ist auch kein wunder / dann
der Teuffel verstellē sich auch zu einem engel des liechts / dar-
innb ist's nicht ein groß / ob sich auch seyne diener verstellen zu
dienern der predig von der gerechtikeyt.

Von der heyligen schrifft

Nachdem aber wir allein durch gottes wort selig werdenn /
vnd dasselbig durch eusserliche gredig eröffnet vn̄ angezayget
wird / müssen wir ein gewiß zeuchnus haben / dabei wir wissen
vnd erkennen / welches gottes wort sey oder nit Dann soltenn
wir für gottes wort halten / das gottes wort nicht ist / so wür-
den wir gar sträfflich sundigen / dieweil gottes wort got selbs

ist. Darumb wer für gottes wort helt das gottes wort nicht
ist / der helt auch für gott / das Gott nicht ist / Das dann am
teuffelische abgötterey ist / Vnd so wir gottes wort nicht lauter
vnd rein haben / sonder verruckt vnd falsch / ist dasselbig wort
in keinen weg gott selbs / dann gott ist die warhait / Darumb
wer für gottes wort predigt / das gottes wort nicht ist / der be
raubet vns gottes vnd des lebens / das in gottes wortt ist / vnd
erwürget (sonil an im ist) die seelen durch dye falschen leere /
wie das Christus anzaigt Johan. am 8. vnd spricht / Der teuf
fel ist ain mörder von anfang vnd ist nicht bestanden inn der
warhait / dann die warhait ist nicht in im / wann er die lügen
redet / so redet er von seinem aigen / dann er ist ain lugner / vnd
ain vater der selbigen / das soll mann also verstehen. Der Teuf
fel ist nicht bestanden in der warhait / das ist / in gottes wort /
sonder hats verlassen / Derhalb hat er jm selbs ayn annder
wort / das ist die lügen / erdichtet / Darumb ist er ain lügner vñ
ain vater der selbigen / Vñnd dieweyl der Eva sein lügen für
gehalten / vnd sie es geglaubet hat / ist er ain mörder wordenn
dann durch die lügen hat er sy des lebens beraubet / welches got
tes wort vnd die warhait ist / vñ jnen dargegen eingepflanzet
den tod durch die lügen / welche sy für warhait gehalten / vñ
also den teuffel für got angenommen haben / also ist der tod /
auß neyd des teuffels eyngangen in die welt / vñnd folgen jm
nach alle die seines tails sein / das ist sy leren auch lüge / damit
sy sich vnd andere des lebens berauben. Darumb müssen wir
solches vbel zuermeyden gewisse zeugnus haben / welches das
war wort gottes sey vnd welches die lügen sey.

Das die hailig schriftt ain gewiß gezeugnus sey:

Vnd das gezeugnus ist die hailig schriftt / dann das in der
selbigen nichts zuwil sey / zeygt der her: klerlich an Math. am.
5. vnd spricht / Ich sage euch warlich / Biß das hymel vnd erd
rich zergeen / wirt nicht zergeen der klainest büchstab noch ein
titel vom gesetz biß das es alles geschehe / Des gleychem das
nichts

nichts zu wenig noch vergessenn sey / zeyget Moses im letzten
buch am. 4 capit. vnd spricht Ir solt nichts darzu thun / das
ich euch gepiet / vnnnd solt nichts darvon thun / auff das ir hal
tet die gebot des herin ewers gots / Vnnnd am 12. capit. Alles
was ich euch gepiete / das solt ir halten / das ir darnach thut /
Ir solt nichts darzu noch darvon thun / Vnnnd Josue am 23.
Thut alles was geschriben steet im buch des desezs / dz ir nicht
daruon weychet / weder zur rechten noch zur linken / Vnnnd
Prouerbiorum am 30. Thun nichts zu seinen Worten / auff das
er dich nit straffe / vnnnd wredest lügenhafftiger funden / Das
gleichen zu den Hebreern am ersten Nach dem vorzeytten got
manchmal vnd mancherlay weys geredet hat zu den Väteren
durch die propheten / hatt er am letzten in disen tagen zu vnns
geredet durch den sun / dann das wort das er durch den sun
geredet has / ist das lest / vnnnd mann darff keyner neuen leer
mehr wartenn die nicht geschribenn were / Darumb der herre
auch Matth. am letzten spricht / Leret sy haltenn alles was ich
euch beuolhenn hab / Vnnnd Paulus zu den Galath. am ersten
So wir selbs / oder ein engel vom himel euch würde predigen /
anders dann das wir euch gepredigt haben / das sey verflucht
wie wir yez gesagt haben / so sagenn wir auch noch einmal
So yemandt euch predigt anders dann ir empfangenn habe
das sey verflucht / Dises alles zeyget der herre kürzlich an Joh.
am fünffren vnnnd spricht Erforschet die schrift / dan die selb
ist die von mir zeüget / Christus ist das wort des vaters / vñ die
schrift gibt im zeügnus / Wer nun etwas predigt / dem die
schrift kein gezeügnus gibt / der prediget gewislich nit Gots
tis wort / sonnder lügnen auß dem teuffel.

Das die schrift beyde gesetz vnd Euangelion innhalt

Diueyl nun offenbar ist / das die heylig schrift allein sol ge
predigt werdenn / wollen wir kürzlich den ganzen inhalt der
selbigen anzeygen / dann sie ist in zweyerlay leer getheyle / Näm
lich inn das gesetz / vnnnd inn das Euangelion / Gleich wie

auch Gottzweyerlay werck in vnns wircket nemlich tödtens
vnd lebendig machen Das gesetz ist alles das vns gebeut solch
werck zuthun / die wir nicht vermögen er sey dann inn vnns/
vnd wir in jm / dardurch wir vnser aygne schwachayt erkennē
vnd erschrecken. Das Euangelion aber ist alles das gottes
güte / gnad / vnnnd barmhertzigayt anzeigt / dadurch wir in er
kennen / vnd inn vnser hertz empfangen Das gesatz hat er durch
Mosen geben / gnad vnd warhayt aber ist vns durch Chrißtu
erzaygt.

Wie Adam gefallen sey:

Da gott der herr am anfang den menschen het auß der erdt
formiert / vnd in eingeblasen ein lebendigen athem / alle thier
vnd frucht der erden vnterworffen / darzu vor der vbertrüg
vnnnd dem todt gewarntet / Darauff er die güte gottes wol
möcht erkennen / annd also in der gerechtigtayt des / glaubens
leben (Dann wer got erkent / der hat das lebendig wort got
tes in jm / Daher vertrauet er jm / vnd hatt in auch lieb / vnnnd
ist also gerecht / hat in der herr also gelassen / Es ist aber der
Teuffel in einer schlangen gestalt kommen vnd hat sy der er
kandtnus durch seilügen beraubt / dan sy vertrauetenn onn
zweyffel got dem herin von hertzen / darumb das er inen alles
güt vnderthenig gemacht / vnd sy so fleysig vor dem verderbi
vnnnd todt gewarntet hat / Derhalbenn hetten sy in auch lieb.
Auff sich selbs aber setzten sy weder vertrauen noch lieb / Die
weyl sy wol erkanten / das sy inen selbs nicht helffen vñ die ge
färlicheyt des tods nicht erkennen mögen / sonnder alles von
got dem vater empfangen hetten / vnd lebten also (durch dy
erkandtnus die sye von gott / auß seinen güthaten hetten ge
schöpfft) inn vertrauen vnd lieb gegen gott / on sünd biß der
Teuffel kam. vnd sye vil eines anndern vberiedet / dann mit
kurzen wortē stürzt er vertrauen vnd liebe gegen gott / vnnnd
pflanzet dargegen vertrauen auff eygne vernunft vnnnd lieb.
Haben sich selbs / vnnnd sprach Ir werdet mit nichten des tods
sterben / dann gott weys / das welches tags ir daruon esset / so
werden ewre augen wacker / werdet sein wie gott / vñ wissen

das güt vnnnd böß. Got hett gefagt / welche stund jr vomholz
des wissent guts vnd böß esset / werdt ir sterben / Vnd sy glantz
tens vnnnd vertrauten jm / Da aber der teuffel sprach / sy wür
den nicht sterben / verliessen sie den glauben an gotes wort vñ
hingen der lügen an / Darumb fiel auch die lieb zu got / als bald
der teuffel sagt / sy würden weyß wie gott / dann sy gedachten
got hette es jnen auß neyd verbotten / vnd verachten jn / dar
nach volgot zuhand die aygen lieb vñ großachtung seinselbs /
Dann sie griffen nach der verbotten frucht / wolten got gleich
sein / sundigten also vnd fielen in den todt / vor dem sy got so
erewlich gewarnt het / vnnnd so bald sich die sünd inn jrem ge
wissen reget / haben sy keyn zuflucht mer zu got sonder segenn
jren vertrauen / auff jr eygne weyßhayt / bedecken sich mit sey
genbletern / vnd verpergen sich vor got dem herin / Also ist jr
natur verderbt / dann sie vertrauen got vnd seynem wort ny
mer / sonder verlassen sich auff jr vernunft / die doch der war
heyt nicht erkennet / vnd lieben auch got den herin nymmer /
sonder nur sich selbs / vnd süchen in allen dingenn / das ir / Vñ
das ist der fleischlich syn / den wir alle vom Adam ererbt haß
von dem Paulus sagt zu den Römern. am 8. Fleischlich gesin
net sein ist ein feindschafft gegenn got / Seytemales dem ge
sez gottes nit vnderthan ist / denn es vermags auch nicht.
Darumb spricht er auch darvor / Fleischlich gesynnet seyn / ist
der todt / Aber geistlich gesinnet sein ist das lebenn / Der geyst
lich syn aber ist nichts anders dann got vertrauen vnnnd jnn
liebhaben Also ist die sünd durch ein menschen eingangenn in
die welt / vnd durch die sünd der tod.

Das gesetz ein ampt des tods sey.

Wann nun der almechtig got vns das leben in seinem wort
wider gebenn / das ist / glauben vnd lieb wider in vns anticht
wil / müssen zuvor das valseh vertrauen auff vnser verunft
vnd die eygennützigenn bösen begirden in vnserm fleisch auß
gerenttet vnd getödt werde. das geschicht aber allain durchs
gesetz / dann so wir lang auff vnser fleischliche falsche gerecht

eigkait vns verlassen / steet sy gottes gesetz alle widerumb daß
gottes gesetz erfordert die lieb / wie der herz Math. am 22. ca.
spricht / Du solt lieben got deinen herzen von ganzem herzen
von ganser seelen / von ganzem gemüt / vnnnd deinen nächst
als dich selbs / In disen zweyen geboten hanget das ganz ge
setz vnd die propheten / Die lieb aber ist got selbs wie Joh. 4.
steet / Got ist die lieb / vnnnd wer in der lieb bleibt / der bleybet in
got / vnnnd got in im / Wer nun gott den herzen nicht hatt / der
hat auch die lieb nicht / Darumb erfüllt er auch kaim gebot
nicht / sonder ist alles lautter sünd vnd verdampfte gleyßnerey
was er thut vnnnd lest / es scheyn vnd gleisse vor der welt wie es
wöll / Dann so wir gleich gottes gebot eusserlich mit werden
erfüllen / haben aber die lieb nicht / sein wir darumb nit recht
fertig / Dann es spricht Paulus zu den Römern am 3. Das
kain fleisch / durch die werck des gesetz vor got recht fertig sein
möß / Dann durch das gesetz kompt erkandnus der sünd / Es
nympt aber die sünd nicht hinweg / Wer wolt sonst wissen dz
alle natur des menschen sündig vñ verdampft / got aber allein
vnsere gerechtigkeit wer / wann nicht das gesetz sprech du solt
lieben / Das ist / got soll in dir wonen / vnd dein gerechtigkeit
sein / dann got ist die lieb / Darumb spricht Paulus 1. Corin. 1.
Christus sey vns gemacht von gott zur weyßheyt vnnnd zur ge
rechtigkeit / vnd zur heyligung / vnnnd zur erlösung ic. Wann
wir nun die sünd also erkennen / so ist vns das falsch vertrauē
auff vns selbs / vnd vnsere aygne gerechtigkeit schon genommen
Dann wir müssen bekennen / dz wir on gott auß aigenen treffa
ten kaim gebot müßen erfüllen / Die weyl aber das gesetz vera
flucht alle die so es nicht halten / Volget weytter / das durchs
gesetz vns gottes zorn offensar wirdt / wie Paul. zu den Römern
am 4. auch sagt / Das gesetz richtet nur zorn an / Dann so der
mensch die vermalebeyung fürchtet / vñ ir doch nicht entryn
nen kan / sonder in sein gewissen strafft / daz er gottes zorn wol
verdient haß vnd billich tragen soll / gewint er ayn myßfallen
ab der gerechtigkeit gottes / vnnnd wolt von herzen gern / das
got ain ander gesetz het gebē / das nit so streng were / Solches

mißfallen/wiewol es vns gering bedunckt/ist es doch ein rech-
ter zorn/damit wir gegen gott ain feyndtschafft führen/vnnd
geet also in vollem schwancf daher/Das gesetz nichts anders
thut/dann zorn anrichtet/Gott zornet mit vns als den vber-
treter/ vnnd der selbig zorn ist vns verhoigen/bis er durchs
gesetz offenbar wirdt/Dann zornen wir mit Gott auch/das
er ain so schwere pürde vns auffgelegt hat/die wir nit tragen
können. Da wirdt dann das gewissen noch höter verwun-
det/vñ verzagt der mensch an jm selbs gar/dañ er finde nichts
güts in jm/also das er mit Paulo wol sprechen mag/ich elend
mensch/wer wirt mich erledigen von dem leib dises tods/Vñ
da wirt der mensch vor gottes zorn so gangerschrocken/das er
gern auch den leiplichen tod erlide/wañ er nur dardurch von
der angst seines gewissens möcht erledigt werdē/Vñ gewint
ain solch groß mißfallen ab im selbs/das dan die eigē lieb(wie
vormals das aigen vertrauen) auch fallen muß Darumb nen-
net sant Paul. 2. Cor. 3. das gesetz ain ampt des tods/dan es
tödet den altē menschē/durch die erkättnus d̄ sünd vñ des zornē
gottes ganz vñ gar/also/das alles was der teufel mit seyner
lugen gepflantz hat/wid fallen vñ brechen muß/Nemlich dz
er auff sich selbs allein vertrauet vñ sich selbs vber alle dyng
geliebet hat/wañ nun dise zwo vntugent fallen/so ist dann d̄
mensch geschickt/dz durch gottes wort wider ain rechter glaub
vñ göseliche lieb in im auffgerichtet werd/Darumb der haylig
Pau. Gal. 3. Das gesetz endlich ain zuchtmaister nennet d̄
vns zu Christo füret/dann das gesetz helt vns nicht allain für
was wir zu thon schul dig sein/sond weysset vns auff Cristū d̄
vns den gaist geben werd/dz wir das gesetz mögen halten vñ
das zu zeyten mit offentlichen sprüchen/als da gott dem Abra-
ham verheissen/In de inem samen werden alle völk̄ ergebene
deyert werden/zñzeiten aber mit verdeckten figurn/als da gott
das osterlam zu opffern vñ zu essen beuillhet/Also fodert das
gesetz göseliche lieb/die wir auß eygnen krefften nicht vermögē
Damit dann vnser sündig schwache natur offenbar wirdt
vñ d̄ oet vnnd den fluch damit das gewissen des götlichen

zorns gewar würdt / vnnnd weyset vns zülegt anff Christū / der
vnnns auß diser not allain helffenn kan / Das ist das ampt des
gesetzes / darzū soll man prauchen vnnnd predigen / vnnnd nicht
verhoffen / das man die menschen durch gebot kan frommach
en / dann das selb soll vnnnd muß durchs Euangelion allaynn
geschehen.

Warumb gottes wort ist mensch worden

Das Euangelion ist ein leer / darinn vns angezaygt wirdett
was got sey / nemlich wie gerecht / warhafftig / weyß / güt gne
dig vnd barmhertzig er sey / vnnnd das alles inn Christo vnserm
heyland vns erzaygt hab / Dann sein gerechtigkeit leydet nicht
das die sund vngestrafte bleyß / Solct er vns dann straffenn /
So ist der ernst seines gerichtes zū scharpff / wir köntens nicht
ertragen / sonder müsten darinn verzweyffeln / Verzweyffeltē
wir dann / so möcht er vnnns nimmer helffen / Dann alle seyne
werck geen allain im glauben / wie David am 32 psalm saget
Ließ er vnnns dann verderbē / so belib er nicht warhafftig
dann er hat vns hilff zūgesagt / Darüb hat er sein ewigs wort
das got selb ist / lassen in das fleisch kommen / vnd mensch wer
denn / wie Johan. am 1 cap. sagt Das wort ist fleisch worden
vnnnd hatt gewont in vns / das ist / Christus vnser herr vñ selig
macher / der hat nun als ein war mensch / die straff so wir mit
vnsern sünden verdient hetten / auff sich genomen / wie Esa.
am 53. sagt / vnnnd spricht Wir all haben geirrt wie die schäff
lein / vnd sein abgetreten / ein yeglicher in seynen wege / aber
der herr hat auff in gelegt all vnnser sünd / Aber als warer got
der alle ding gewüß vnd vermocht die selbigē straff vberwun
den / dz er nicht darin verdorben noch verzweyffelt ist Vñ hat
also der gerechtigkeit gottes für vnnns genög gethann / Vnnnd
das ist die erst frucht die wir durch das leyden Cristi erlangt
haben / nemlich das wir gott dem vater / durch den tod seyns
eingedornen suns widerumb versönet sein / Wie Paulus zunn
Röm. am 5. anzeygt / dann da ist erfüllet / das dauid sagt am
85 psalm. Güte vnd trew begegnen eyinander Gerechtigkeit
vnd frid küssen sich.

Das das Euangelion ein amt des lebens vnd geysts sey:

Wiewol vns nu sünd vnd todt / durch das blutvergießenn
vnd sterben Christi vergeben vnd vber wunden ist / vnd vns
gott darumb nicht meer verdammen / noch inn todt verderbē
wil lassen / sein doch beyde sünd vnd todt noch in vns / Die
sünd vnd der todt / sein / das wir got nicht vertrauen / vnd in
nicht liebhaben / darumb muß vns gott weytter helffen / Das
alt wesen vollend inn vns abtügen / vnd ain neues anrichtē /
vnd das geschicht dann durchs Euangelion / vnd durch das
creuz / dann so das Euangelion gepredigt wirdt / lernenn wir
gott dardurch erkennen / vnd so wir in erkennen / vertrauen
wir auch in / Das ist dann das ewig leben / dz wir den einigen
wahr got / vnd den er gesandt hat Jesum Christum erkennen.
Johan. 14 / dann der gerechte wirdt seines glaubens oder ver-
trawens leben Roma. 1 Das wollen wir noch bas erklerenn.

Gott erkennet sich selbs / sein erkandnus ist ein wort / vnd
das wort ist got selbs / das selbig wort leset vns eröffnen vnd
predigen im heyligen Euangelio / Dann daselbst wirdt vns
die natur gotes eröffnet / nemlich sein gerechtigkeit / warhait
weyßhayt gnad vnd barmherzigkayt. wie er dann sich selb
erkannt / vnd das alles in Christo erzaygt hat. Vnd wer das
wort recht vernimpt / behelt vnd glaubt / der empfahet gott
selbs / dann gott ist das wort / So nu durch den glauben das
wort gotes Christus vnser Herr inn vns wonet / vnd wir mit
im eins sein worden / mögen wir mit paulo wol sprechen Ich
lebe / lebe aber nicht ich / sonder Christus lebet in mir / Vnd da
sein wir dann durch den glauben gerechtfertigt / dann es leben
nicht wir / das ist / wir lebenn nicht nach dem flayschlichen
syn / sonder der syn vnd gayst Christi / ist vnd lebet in vns / der
kan ye nicht anders / dann gerecht sein vnd gerechtigkeit inn
vns wircken / Darumb spricht er Johann. 15 On mich köndet
ir nichts thün / Vnd esaias am 26. Herr du wirst vns fryd
geben / dann alle vnser werck hastu inn vns gewircket / Vnd

also muß Christus vnser gerechtigtlayt seyn/ Lichet das er im
hymel zu der gerechten des vatters gerecht sey/ vnd wir hernu-
den in allen sünden vnd vnflat wolten leben/ vnd dan spreche
Christus wer vnser gerechtigtlayt/ Er muß in vnns vnd wir in
im sein/ vnnnd so das geschicht/ haben wir auch den heyligenn
geyst durch den die lieb in vnser hertz gegossen wirt/ wie Paulus
zu de Röm. am 5 sagt Also sicht vñ versteet man/ dz wir durch
gottes wort/ gott erkennen/ vnd also im glauben/ das ist/ inn
gottes wort leben/ Dann der glaub empfaßet vnd fasset Got-
tes wort/ das gott selbs ist/ das pringt dann auch den heiligen
geyst mit im/ der die lieb in das hertz gelist/ vñ wirt durch den
glauben der todt/ durch die lieb aber die sünd vertriben Vnnnd
das ist das new verpindnus/ das vns gott durch Jeremiam
am 31. cap. zusagt vnnnd spricht Ich wil mein gesetz inn jr inn-
wendigs geben/ vnd/ in jr hertz wil ichs schreybenn/ vnd sy sol-
len mich all kennen/ vom wenigsten bis auff den meisten/ dan
ich wil iren sünden gnedig sein/ vnd ir vngerechtiglayt/ nymer
mer gedencen/ Das alles aber/ ist nicht vollkommen/ dieweil
wir inn disem leben sein/ sunder nur angefangen vnd wechset
von tag zu tag/ vnnnd ist der new mensch/ von dem die schrift
sagt/ Der auß wasser vnd geyst geborn ist/ Vnd gleich wie der
new noch nicht vollkommenlich ist auff gewachssenn/ also ist
auch der alt noch nicht gar getödt/ sonnder geet beydes mitey-
nander/ Das gesetz bricht vnd tödet den alten/ Das Euangeli-
on aber gepirt vñ erhelc den newen/ der nach gott erschaf-
fen ist in der gerechtigtlayt/ vnnnd rechtschaffener heyligtlayt.

Von Sacramenten.

Disen zweyen vnterschiedlichen leeren/ hat gott auch zwei
vnterschiedliche/ eusserliche zeychen/ welche der leer art vnnnd
natur sein anzaigen/ zu gebenn/ nemlich/ dem gesetz die tauff
des wassers/ vnnnd dem Euangelio/ sein fleisch vnd blut vnter
der gestalt des weins vnd brots/ dauon wir auch kürzlich wol-
len sagen.

Von der

Von der Tauff

Wann der mensch durchs gesetz sein sünd erkennet / vñ Go-
tes zorn erfahren vnd empfunden hat / so sieht er das seines sün-
digen lebens kein end mag werden / er sterbe dan leiplich / Dye
forcht aber des zorns Gottes / dringet in dahyn / dz er auch ynn
tod bewilligt / vnd gern sterben will / dan es muß also des men-
schen falsch vertrauen / durch das wort des gesatz dz flaysch
aber mit seinen begirten / durch das creiß / vnd den leyplichen
tod abgetödtet werden / So nimpt in nun Gott an / vñ will in
tödtten / auff das die sünd ein end neme / er will in aber im tode
nicht verderben lassen / sonder wie Christum / auch wider auff
erwecken / das er ewig mitt im leb / vnd gibt im des ein warzay-
chen / die Tauff / Dan gleich wie das wort dz gesatz / dem men-
schen Gottes zorn eröffnet / macht in ängstig vnd forchtsam /
dz er nur vngeschickter zur liebe wirt (Dann das gesatz ryche-
tet zorn an) Also thut auch das wasser / der mensch ergyttert
erpidmet vnd erkaltet darin / am leib / gleich wie er im gemüde
ab dem gesatz erschriekt / erpidmet vnd erkaltet / Vnd gleich
wie in das gesatz in tod dringt / also ist auch kayn Element / dz
dem menschen sein leben nee püchtt / dann das wasser / Vnd
gleich wie dz gesatz / dem menschen nit tödtet / dz er verderben
soll / sonder das daß flaischlich vndergee / vñ dz gaisstlich le-
ben im wort Gottes dargegen auffgee / Also tauft man in im
wasser / nicht das er darinn ertrincken soll / Sonder das man
in wider herauß nem / vnd leben laß / Das alles zaygt Paulus
zu den Römern am 6. fleissig an / vñ spricht / Wißt yr nicht
dz alle die in Christum taufft seyn / die sein inn sein tod taufft /
So sein wir ye mit im begraben durch den tauff inn tod / auff
das gleich wie Christus ist aufferweckt von den todtten / durch
die herlichkeit des vaters. Also sollen auch wir in ein newen
leben wandlen. So wir aber sampt im sein gepflanzt worden
zu gleichem tod / so werden wir auch der auffersteung gleich
seyn. Di ewyl wir wissen / dz vnser altert mensch mit im gecreiß-
tigt ist / auff das da feyre der sündlich leib / das wir fort mer /

der sünd nicht dienen / Dann wer gestorben ist / der ist gerecht
fertig von sünden / das ist also zu verstehen / Seyn wir in seyn
tod getaufft / so haben wir auch inn tod bewilligt / Darumb
das wir an Christo sehen / dz man durch den tod in das leben
muß geen / Es hat auch got bewilligt vns / wie Christum / wie
er auffzuwecken / Dañ wie weren wir sonst in seinē tod begra
ben / So sein wir nun durch den Tauff in tod begraben / das
ist wir sein disem sundlichen leben so seynd / das wir zu sterben
bewilligen / Wer aber in tod bewilligt / der ist wol halber schō
tod / Vnd so er sich diser mainung tauffen leßt / ist gleich als
begriß man in schon / Wo nun ain solch gemüt bey der Tauff
ist / da ist on zweyfel auch ein güter tail der fleischlichen begird
schon gestorben / Wir bewilligen aber darumb in den tod / das
wir wissen / das vns got wider auff werd wecken zum ewigen
leben / Wer nun ains solchen vertrawens ist gegen got / da ist
auch on zweyfel ain grosser tail der gerechtigkeit des glawbē
schon vorhanden / Darumb volgt baldt nach der Tauff aynn
new leben / dz wir wie er erstanden ist / auch in ainem newen
leben wandeln / Es ist aber noch nicht vollkommen / sonnder
wir sein durch die tauff mit im gepflantz in todt / das ist / we
ain zweyglein in ain paum gepflantz wirt / das es ye lenger ye
mer wachß vnd zu nem / Also sein wir in das leyden vnd tod ge
pflantz / es hebt sich in d tauff nur an / wirdt aber erst im todt
vollendet / Weyl wir nicht gar sterben / die weil sein die bösen
fleischlichen begird nicht gar außtilget / sonder nur zum thail
Vnd weyl wir nicht vom tod wider aufferstein / die weil ist die
gerechtigkeit vnd das new leben auch nicht volkommen / Wan
wir nun sterben wie Christus gestorben ist / so werden wir ge
wißlich wider ersteen / wie er erstanden ist / Vnd das wyssen
wir daher / dz vnser alter mensch mit Christo creüzigt ist / dan
vmb vnser sünd willen ist er gecreüzigt / vnd vmb vnser willen
ist er durch den tod in das leben gangen / auff das wir sehenn /
wie vnser alter mensch in das leben muß durch den tod geen /
Wan wirs dan sehen / mercken wir wol / das wir also himmach
müssen / das ist dann mit im creüzigt werden / vnd müssen

darumb sterben/auff das der sündig leyb feyre vnd die bößenn
begird auffhören/Dann wer im glauben stirbt/ist schon recht
fertig von sünden/Also richtet das gesetz ein gemüt inn vnns
an/das wir zu sterben bewilligen/allain darumb/das wir der
sünd abkommen/Vnd das es dann also geschehen soll/wird e
vns in der Tauff zugesaget/vnd ein enepf inndelich gleichnus
vñ warzeychen geben/das wir festiglich daran mögē glaubē.

Dem Sacrament des leibs vnd bluts Christi

Es hilffe vns aber nichts/wann schon durch gesetz/Tauff
vnd tod/der alt mensch am leyb vnd gemüt getödtet würdt/
wann nicht dargegen der new von gott geboin vñ auffgerichte
würdt/Das geschicht aber als bald durchs Euangelion/wel
ches vnns gottes wort/darinn sein götliche güte ganz abgebil
det wirt vnd got selbs ist/eröffnet/vnd also/got lernet kennen
Dann was ist es anders/wann man predigt/Gott habe vnns
also geliebt/das er seines einigen sins nit verschont/sonder in
für vns alle dargeben hab/dann das man anzeygt/wie Gott
die lieb sey/vnd so wir dem wort glauben/ist das wort in vnns
vnd wir in im/vnd das wort ist got selbs/wie droben anzeygt
ist/Wann wir dann also mit got durch den glauben vereinigt
werdenn/so würdt durch die gegenwertigkeyt gotis in vnns
ein newet syn/vnd ein newer geyst erschaffen/welcher vns zu
gottes kindern macht/wie Johann. 1. geschriben ist/Er hat
macht geben gottes kinder zu werden/denen die da glaubē an
seynen namen/Wölche nicht von dem geplütt/nach von dem
willen des fleischs/nach vñ dem willē eins mans/sonder von
Got geporn sein/Vnnd am 82. Psalm. Ich hab gesagt Ir
seyt götter/vnd alzumal kinder des allerhöchstenn. Welches
Christus Johann. 10. auflegt vnd spricht/Es sey von denen
gesagt/die gottis wort hören/Also ist das Euangelionn das
wort gottes/darinn er sich selb/aufspricht/vnnd das wort ist
auch got selbs/Wer es nun höret/glaube vnd behelet/der hat
got selbs vnd ist ein kind gottes worden/Das ist dann in den
zeychen auch fein angezeygt vnd außgedrückt/dann der herre

nam das brot/brachß vnd gabß seinen jungern/vnnd sprach/
Nemet/esset/dz ist mein leib/der für euch gebenn wirt/Deß
gleichen den Kelch vnd sprach/Nemet hyn vnnd trincket auß
disem alle/dz ist mein plüt des newen Testaments/wölliches
für euch vnnd für vil vergossen wirt zur vergebung der sünd/
Als wolt er sagen/Er solt glauben da; ich von ewern wegen
mensch byn worden/mein leyb für euch dar wird geben/vñ dz
ich durch vergießung meins plüts ewer sünd werd abwasche
en/vnd wann ir dz glaubet/so esset vnd trincket ir mein flaysch
vnd plüt gaistlich/danner spricht Johan.am 6. Ich bin das
brot des ewigen lebens/wer zu mir kumpt/den wirt nicht hun
gern/vnd wer an mich glaubet/den wirt nimmer mer dürstenn
Darauf man wol versteet/dz wer zu Christo kumpt/vnnd an
in glaubet/der yffet sein flaisch vnd trincket sein plüt gaistlich/
daruon aber spricht er weiter/Wer mein flaisch yffet vñ mein
plüt trincket/der bleibet in mir/vnd ich in im/Dz ist/wan man
predigt/Christus hab sich für vns geben vnd seyn plüt zur ver
gebung vnser sünd vergossen/vnnd wirs glauben/so ist Chri
stus in vns vnd wir in im.

Das kan aber die menschlich schwachait nit wol begreifen
sonder wanck vnd zweyfelt daran/vnd gedennet also/Das
Christus für vns gelitten hab/ist wol zu glauben/das ich aber
auch einer auß der zal sey/vnd er in mir sein soll/wan ich nur
seinem wort glaub/das kan ich nit wol begreifen/Da kumpe
dañ Christus vnserer schwachait mit dem ausserlichen zeich
zu hilff vnd spricht/Das ist mein leib/der für euch dargebenn
wirt/vnd das ist mein plüt/das für euch vergossen wirt/dar
umb solt irs essen vnd trincken/auff das ir wisset/daz ich mit
euch rede/so ich sprich/es werd für euch gegeben vñ vergossen
Glaubt ir das/so bin ich in euch vnnd ir in mir/Auff dz ir aber
das festiglich glauben mügt/so nempt hin vnd esset meynen
leib/nempt hin vnd trincket meyn plüt/Dann als warlich dye
speiß vnd das getranck/in des menschen flaisch vnd plüt ver
wandlet/vnd nicht mer von im geschayden wirt/als war wyll
Christus in vns sein/wann wir seinem wort glauben/Danner

selbs ist das wort/ Darumb spricht er Johan. 6. Das fleisch
ist kein nutz/ die wort die ich rede/ die seyn gayst vñ leben/ Also
ist das Euangelion gotes wort/ vñ Got selbs/ wer es glaube
hatt Got in im/ auff dz wir aber festiglich glauben mügenn
hilfft vns das ausserlich zaichen/ darin vns Christus zur speiß
vñ tranck gegeben wirt/ Dann das zaichen müß eben dz thon
des wir im wort warren/ Das gesag tödtet/ das wasser tödtet
auch/ das Euangelion bringet Christum in vns/ das hailig Sa
crament des altars thut auch/ vñ geen also beyde/ wort vñ
werck neben einander daher/ Die zaichen aber sein vns an bays
den orten kein nutz/ wann wir dem wort nicht glauben.

Was ein recht Christlich glaub sey:

Der glaub aber ist ein gewisse zñuersicht/ des/ das zñ hoffen
ist/ vñnd richtet sich nach dem das nicht scheint/ wie zñ den
Hebreern am 11. geschriben ist/ vñnd da sihet man allß bald/ dz
der Christlich glaub nicht in dem steet/ das man glaubt/ es sey
war/ was vns die historien in der hailigen gschrifft fürhalten
gleich als wñ wir einer histori vom Türcken glaubenn/ dann
ein sollichen glaubenn (soll man anderst ein glauben nennen)
kan auch ein gotlos mensch haben/ sonder es ist ein gewisse zñ
uersicht/ oder noch klärer zñuertütschen/ ein gewisse darstel
lung/ der ding die man hoffen soll/ vñnd gibt ein anzaygung
ding die noch nicht erscheinen/ Das ist/ wann man Gottes
wort höret/ vñnd es des hertz trifft/ das es sich des worts ann
ympt/ glaubt vñnd pawt fest darauff/ es hab ein gnedigenn
Gott/ vñnd vater/ von dem es/ dzerbeill des ewigen lebens em
pfangen werd/ vñnd dise zñuersicht so groß ist/ das vnser hertz
darinn rñwet/ gleich als hab es schon empfangen/ so ist es eyn
gewisse zñuersicht/ vñ recht Christlicher glaubt/ der sich richtet
nach dem/ das noch nicht erscheinnet/ wie Johan. in seiner epi
stel am dritten capitel spricht/ Meyn lieben/ wir sein nu gotes
kinder/ vñnd ist noch nicht erschienen was wir seyn werden/ wyr
wissen aber/ wenn es erscheinen wirt/ das wir im gleych seynn

worden. Aber sollichen glauben vermag kein mensch auß ayge-
nen krefftten/dann es ist ein werck dz Gott in vns wirckt als d
herz sagt Johan am 6. Das ist Gottes werck/das ir ann den
glaubt/den er geschickt hat. Vnd Paul zu den Colosser. am 2.
capit. Ir seydt mit Christo auffgestanden/durch den glaubenn
den Gott wirckt. Darumb müssen wir Got vmb den glauben
bitten/wie auch sein Junger thetten Luce 17. vnd sprachenn
Herz mer vns den glauben.

Wider der Sophisten gedicht von mancherlay Glaubenn

Von diesem glauben redet auch Paulus zu Ephesie. am 4.
da er spricht. Ein herz/ein glaub/ein tauff/ein Gott vn vater
vnsrer aller/der da ist vber vns alle. vnd durch vns alle/vnd in
vns allen/Dan sollicher Christlicher glaub kan nicht sein/dan
wo das ewig vnd vnbetrieglich wort Gottes ist/Darumb ha-
ben weder Juden noch heyden kein gewisse zuversicht zu got
dem herin/sonder nur ein flaischlichen won/wolicher inn der
not nicht besteen kan/dann es ist nur ein glaub/wie auch nur
ein Got ist/der den selbigen glauben in vns wirckt. Er wirckt
aber alle ding durch sein wort/Darumb kan auch kein glaub
sein/wo sein wort nicht ist/Derhalben yrenn die Sophistenn
vber die maß in dem/dz sie mancherlay glauben richten/dan
es ist nur ein glaub/wie Paul sagt. Das sye aber ein gedichtten
oder todten glauben/nennen/darvon sie auch vil schwegenn
ist als wenig kein glaub/als wenig ein gemalt bild/oder eynt
todt leich/ein lebendig mensch kan sein/Dann den rechtten
lebendigen glauben nennet Paulus/die gerechtigkeit Gottes
nicht allain darumb das sinnst kein gerechtigkeit vor Gott
gilt/dan die gerechtigkeit des glaubens/sonder auch/dz wir
durch den glauben mit Gott verainigt werden/vn er als dan
sein aygene gerechtigkeit selbs durch den glauben in vns wirckt
Wie Hierennias am 23. sagt von Christo. Das ist der nam den
man von im außrufen wirt. Gott ist vnser gerechtigkeit wy-
droben auch gemelt ist.

Warumb alles das nicht im glauben geschicht / sund ist.

Daher kan man dann leichelich verstecken / warumb Paulus
zu den Röm. am 14. sagt / Was nicht auß dem glauben geet /
das ist sünde / Dañ so wir zweyffeln / vnd nicht gewiß sein / ob
vns er werck got gefall oder nicht / vnd thun es doch / ist es ayn
grosse verachtung gottes / Dann des hertzen grund muß ye al-
so steen vnnnd gedencen / Wye wol ich nicht wayß / ob dys es
werck gott gefall oder nicht / dan noch will ichs thun / Solche
verachtung würckt got nicht in vns / darumb ist es auch nit
gotes gerechtigkeit / sonnder der flayschlich syn / welcher dem
gesetz Gottes nicht vnderworffen ist / dann es vermags auch
nicht / darumb ist es auch sünd.

Das der Glaub allain die ge- rechtigkeyt sey:

Wie nun alles sünd ist / das nicht aus dem glauben geschicht
also ist widerumb der glaub ein vrsprung aller güttenn werck
wie der her bezeugt. Johan. am 7. Wer an mich glaubet / als
die schrift sagt / von des leys werde fluß fließen des lebendige
wassers / Das sagt er aber vom geyst / spricht Johannes / wel-
chen empfangen solten / die an in glauben / Wo aber der heylig
geyst ist / da ist auch die lieb / wie Paulus zu den Römern am
5. sagt / Die lieb ist durchgossen in vns er hertz durch den heyli-
gen geyst der vns geben ist / Wer nun den nechsten liebt / als
Paulus zu den Römern am 13. sagt / der hat das gesetz erfül-
t / Darumb als wenig der heylig geyst vom wort gotes / dz durch
den glauben in vns wonet / geschiden mag werden / als wenig
werden die güttenn werck vom glauben gescheiden.

Von Der Hoffnung

Es möcht aber yemand fragen / Dweyl der glaub ein gewisse
zuversicht ist der ding die wir hoffen / w3 ist dan für vnscheid

zwischen glauben vnd der hoffnung. Antwort. Der glaub ist ein gewiß zuversicht/die sich nicht nach der zeit richtet/sond allweg in im selbst ruhet vnd fryd hat / Die hoffnung aber ist ein herzlich sönen vnd stettigs verlangen nach dem/ des man durch den glauben gewiß ist worden / Dañ gleich wie d'glaub mit eyttel vnichtigen dingen vmbgeet/ also auch die hoffnung als Paul⁹ zu den Römern am 8. sagt / Die hoffnung die man sihet/ ist nicht hoffnung / Dann wie kan man das hoffen/ das man sihet / So wir aber das hoffen das wir nicht sehenn/ so wartten wir sein durch geduldt ic. Aber die ding die wir hoffen sein vns in zweyerley weiß verporigen / Etlich sein noch nicht da / sonder zukünfftig / als wañ wir durch den glauben gewiß sein das Got vnser sterbliche leib / nach dem tod wider erwecken vnd verklären werd / so senen wir vns darnach vnnnd hoffen darauff / wir sehens aber noch nicht / dann es ist noch künfftig / Etliche aber sein schon da / aber noch verdeckt / als wañ wir durch den glauben gewiß werden / d' wir Gottes kind sein So ist es schon also / es scheint aber noch nicht / darinn wartē wir durch geduldt / vnd hoffen / biß es vns vnd allen creaturn. Offenbar werd. Von der lieb dürffen wir yetzo nichts sonderlichs mer sagen / dann d'oben genüg erkleret ist / d' Gott selbo die lieb sey.

Beschluß des ersten rayls:

Also haben wir nach vnserm vermögen anzeigt / w' Gottes wort im gesatz vnd Euangelio / mit seinen zaychen / v' tauff vnd dem hailigen Sacrament des flaisch vnd bluts Christi. Vnd mit seinen hauptfrüchten / nemlich Glauben / Lieb vnd Hoffnung sey / vnd wirckt / wölches man alles wissen muß / sol man anderst in diser zwyttracht / etwas rechte vitailen / hernach aber wollen wir von menschen leren / vñ dem Antichrist sagen / auff das man zuletzt mit kurzen worten / aufrichtigen künd / was man halten oder lassen / vnnnd weiß man sich darinn trösten soll.

Hie endet sich das erst Tayl:

Volgt das Alnder tahl vom menschen
wort vnd leeren.

Was her menschen leer iren vrs
sprung habenn.

Das eyn annder wort/dann Gottes wort das Gott
selbs ist/im menschen erfunden werd/habenn wyr
droben gnug anzaigt/da wir vonn des teuffels be-
trug im Paradyß angericht/handleten/dann da-
selbst/nach dem er den vertawen zu Got/des gleichenn auch
die lieb verstört vnd aufstillet/pflanzet er ein andere mayn-
nung inn sie/nemlich/Gott vnd sein wort verachten/vnd al-
len trost vnd züversicht auff sich selbs stellen/auf dem on mit-
tel die eigennützig lieb sein selbs/so in allen dingen/eyn weder
aygen nutz/Er/vnd wollust sucht/oder aber wo sie der kains
findt/als bald verdröffen vnd vnwillig würdt/endt sprossenn
vnd erwachsen ist/wöllichemainung vnd syn/alle menschen
vom Adam er erben vnd behalten/bis Gottes wort vnd erkät
nusein anders in vns anrichtet/vnd ist eben der flaischlich sin
von dem Paulus sagt/er sey Gottes gesetz nicht vnderworffen
Dan er vermügs nicht/darumb das er in all weg der lieb Got-
tes/so allainim gesetz ersodert wirt/ganz endt gegen ist/Da-
rumb alles das er fürnympt/ist vor Got streflich vnd verdam-
lich/Es schein vnd gleyß vor der welt wie es wöl/Dieweil wir
aber täglich erfarn/vnd offentlich sehen/das der selbig flaysch-
lich syn nicht feyret/sonder für vnd für sein aigen güt duncken
herfür bringet/vnd in Gottes für gütte gesetz vnd wege die seli-
kait züerlangen/auffricht/wollen wir anzaigen/was es ent-
lich für ein mercklichen schaden bring/damitt sich menigklich
davor wisse zühütten.

Was menschen leer hayssen:

Menschen wort/ler oder sätzung/hayssen wir alles das von
S

Gott in seinem ewigen rat und wort nicht verfasst beschloß
sen/ und durch gewisse wolgegründete botschaft vns/ vnn im
selbs eröffnet/ und gepotten ist/ Vnn doch durch menschen
als zu der seligkeit nötig oder fürderlich gehalten/ vnn für
gegeben wirt:

Was menschen leer für schaden thün:

Sollicher menschen sarnung erste frucht ist/ die d her Mat.
am 15. anzaigt vñ spricht/ Ir heuchler es hatt wol Esaias vñ
euch geweissaget vnn gesprochen/ diß volck nahet sich zu mir
mit seinen leffzen/ aber ir hertz ist fer von mir/ vergeblich dyes
nen sie mir/ die weil sie leren solche ler/ die nichts dan mensche
gepott sein/ Di weil man nun Gott vergeblich dienet/ so man
menschen gepot helt und leret/ so volgt vnwidersprechlich/ dz
man gegen Got nichts verschuldet/ wann mans vnder wegen
laßt. Die ander frucht ist/ die Esai am 29. capi. (da her auch
Christus sein obgemelte wort genommen hat) anzaigt/ vnn
spricht/ Darumb willich eyn wunder vnder disem volck anrich
ten/ Es soll sich verlieren die weisheit von den weysen/ vnn
die klügheit soll sich vor den klügen verbergen/ das ist/ di weil
sie mit thörichten menschen gepotten vmbgeen/ soll das wort
Gotes von in genommen werden/ vñ sich vor in verbergen/ dan
es ist kayn andere weisheit die d hailig Geist weisheit nennet
dan Gottes wort/ wie man Prouer. am 8. wol höret/ und d
ben auch anzaigt ist/ Solliche straf sehen wir mit vnsern grof
sen schaden erfüllet/ derhalben hiemit gewaltiglich beweyset
wirt/ das man wider menschen sarnung zusechten/ vnn soll
immer nitiglich abzustellen schuldig ist/ auff das wir Gotes
wort/ darinn vnser leben steet/ rayn erhalten/ und selig werde
mögen. Die drit frucht ist/ das die seelen dardurch des lebens
in Gott beraubt/ und kleglich erwürgt werden/ Dan so gotes
wort die warheit/ und das leben ist/ muß menschen wort lüge
und tod sein/ das mag man baß verstecken/ wann man der seel le
ben und tod/ was es sey erkant hat/ Dz leben ist/ dz man Gott
erken vñ in vertrau, wie er Jo. am 17. Das ist das ewig leben

dz sie dich einigen waren Got/vñ den du gesant hast Ihesum
Christum/erkennen. Vñ Pau. Ro. 1. Der gerecht wirt seines gl
bens leben/Der tod aber ist/wañ man Got nicht erkennet/vñ
nicht waiss/wess man sich zñ im versehen soll/dañ darauß vol
get/angst/not/forcht schrecken/flucht/verzagen/vñnd zorn.
Dan man fürcht Got als ein feind/vñ kan sich doch nyendere
vor im verpergen/darumb des menschē seel in rechts tods not
felt/vñd stirbt also ewigklich/dz ist/leidet solche angst.vñ not
als muß sie all augenplick sterben/dz weret dan ewigklich/Wo
man nñ die gewissen mit menschen leer verstrickt/leret man sy
Diß oder das gefall Got/dz im doch nicht gefelt/dises od jhea
nes mißfall Gott/so es im doch nicht mißfelt/darnach volgen
dan/dz sy mainen diß od jhenes mach in einen gnedigen od vn
gnedigen Got/so es doch auch nicht war ist. Diweil wir dan
Got allain in seinem wort erkennen/darinn vns angezaigt wirt
Was er vns gñts thñ/vñd was er dargegen vñ vns haben wöl
Wer sieht nicht/dz die selbig erkantnus/an ir bayden tayllen
durch menschen leer gefelscht wirt:wir versehen vns ye seyns
wolgefallens/da es nicht ist. Nun muß es endlich offennbar
werden/wañ das geschicht/so fallen die schrecken des tods vñ
götlichen zorns daher/vñ geet vnser glawb zñ trümmern/dañ
wir finden Got anderst dan wir gemaint habē/des kñpt auß
menschen satzungen/Wiewol nun Got die sein erhalten kan/
soll man drumb giff nemen/auff dz der arzet ett was zñ ihm
hab. Die vierdt frucht ist/dieweil sie jren vñsprüg allain vñ gñ
tem geduncken habē/vñd darbey das sprichwort auch war ist
Vñ kñpff vñ sin. Volget darauß/dz als bald verderbliche sect
ten entsteen/wie wir das auch sehen/dardurch dan Christli
che lieb vñd ainigkait zñ trümmern muß geen/dieweil man sihet
dz inmer ein sect die andern hasset.vñd besser sein wil/so lāg biß
kein ainigkait mer vnder in ist/dañ so man Gotes wort veruc
gen soll/dañ da muß Herodes mit Pilato freind werdē. Sol
ches hat der hailig Pe.am 2. ca. 8. 2. epi. Kerlich beschribē vñ ge
sagt. Es warn vorzeiten falsche prophetē vñd dem volck/wie
auch vñd euch sein werden falsche lerer/die nebē einfürē werdē

verderbliche secten/vnd verleugnen den herin der sie ertauft
hatt/vnd werden vber sich selbs fürenn ein schmel verdammus
vnd vil werden nachvolgen jren verderbē/durch wölche wirt
der weg der warhait verlestert werden/vnd durch geytz mit er
dichten wortten/werden sie an euch handthierē/ vber wölche
d3 vitail von lāgst her nicht setimig ist/vnnd ir verdammus
schlefft nicht/ Aller mayst aber die/ so da wandlen nach dem
flaisch in der lust der vnſauberkeit/vnd die herrschafften ver
achten/dürstig hoch von sich halten/vnnd nicht erzicern dye
Mayestätten zū leſtern:c. Sie sein wie die vnuerntünfftigen
thier/den nattürlich zūſahen vnd zūwürgen gepom sein/ver
leſtern das sie nicht erkennen/vnd in jrem würgen werden sie
er würgt werden/vnnd den lon der vngerechtigkait darnonn
bringen/Sie achten für wollust/d3 zeytlich wolleben/sein fle
cken vnd vnſlaten/füren ein zartlich leben vonn ewern almü
ſen/zeren wol von dem ewern/haben augen voller cebruchs/
jrer ſünd ist nicht zūweren/locken an sich die leichtfertigen ſee
len haben ein hertz durchtriben mit geytz/kinder d maledeyung
haben verlassen den richtigen weg/sein yrr gangen/vñ haben
nachgewolgt dem weg Balaam/wöllichem lyebet der lon der
vngerechtigkait/het aber sein straff/das stumme laſtbarchier
redet mit menschen ſtym/vnnd weret des propheten thorhait
Also beſchreibt der hailig Petrus die falſchen lerer/vnnd noch
vil hefftiger/darumb das sie geytzige menschen ſatzung für go
tes wort/allain vmbſgelts willen leren vnd handthaben.Vñ
sein eben das recht hoſſgeſind des Antichriſts/von dem Da
niel am 7.cap. ſagt/Er wirt mainen er müg die zeyt vnd die ge
ſatz verändern/das ist/er maindt er thū recht/vnnd es hab
krafft/wañ er Gottes ordnung vnd gepot verändert vnnd zer
brech/er ſitz an Gottes ſtatt/vnd ist eben der rechte prun/beste
tiger vnd verſechter aller menschen leer. Darumb wölle wir
auffſ kürzeſt von im auch ſagen/vnd das nicht wider in zūtro
gen vnd zūbochen/ſunder nur/d3 erkent vnd vermitteln werd/
Derhalben wir auch bey den hochuerſtändigen wenig wortt
wölle machen.

Vom Antichrist:

Der Antichrist ist ein sollich verfürisch / schedlich vnd gots-
lesterlich ding / das der hailig Gayst vom anfang durch alle
propheten wider in hat gesochten / als wider den grösten vnd
höchsten gotslesterer vnnnd verfürer / der in letzten zeiten / auß
höchstem betrug / vnnnd grymmigen zorn des teuffels / der das
letzt gericht fürcht / vñ mit verhinderung vnser seligkayt gern
lenger auffziehen wolt / in die welt eingeführt vnnnd aufgericht
solt werden. So haben auch Christus der heri selbs / vnnnd all
seine Apostel / trewlich vor im gewarnet / vnd sein bosheit kler-
lich abgemalet vnnnd angegayt / Herwiderumb ist es auch so
ein verdeckt / verborgene / gleyssende / vnglawbige betryegerey /
das Christus selbs spricht Matheiam 14. Wannsmüglich
wer / so wurden auch die außervölten verfürdt / vnd wann die
selbigen tag nicht verkürzt wurden / so würd kein mensch sel-
lig / aber vmb der außervölten willen / seyn sie verkürzt. Vnnnd
der hailig Gayst / wann er in in der gschrifft recht wil enddeck-
en / muß er allweg vom anfang der welt / biß an das enderreich
damit er zeit / statt / vnd weise vollkommenlich anzayge / dann
man würdt in sunst nicht kennen / sonder allweg mainen / seyn
zukunft wer noch weyt dauon / wann gleich der junngst tag
vor der thür wer / dann erfüret ein sollich scheinbarlich wesen /
das man nichts weniger besorgt / dann das er der Antichrist
sey / so lang biß er alles erfület / was von im geweyssagt ist / Da-
rumb wollen wir auß allen Propheten / Ewangelisten vnnnd
Apostelen / allain die ihenigen gschrifft in zu entdecken / einfü-
ren / die lauter vnd klar von im reden / also das die außlegung
in keinen zweiffel müg kommen / das doch sunst in den verdeck-
ten prophceyen geschehen möcht / vnnnd zum ersten für vns ne-
men das 7. cap. auß dem propheten Daniel / der also sagt.

Im ersten jar Balasar des Königs zu Babilon sahe Da-
nieleyn gesicht / Vnnnd das gesicht seines haupts geschah in
seiner Schlaffkammer / vnnnd er beschub den traum / vnnnd ver-
fasset in mit kurzen worten vnnnd sprach. Ich sahe in meynem

gesicht des nachts / vnd sihe die vier windt des himels stritten
im grossen mör / vnd vier grosse thier einander vngleich stygen
abß dem mör.

Das erst war wie ein Löwin / vnnnd het eins Adlers flügel /
ich sahe es an / biß im die flügel außgerissen / vñ es von dem erd
trich gethon wurd / vnd stünd auff seine füß wie ein mensch /
vnd sein hertz wurd im wider geben.

Vnd sihe ein ander thier gleich wie ein Ber / stünd an einem
ort / vnd het drey zeyl in seinem mund / vñ seinen zenen / die sag-
ten also zu im / Stree auff / vnd fryß vil flaischs.

Darnach sahe ich ein anders thier wie ein Pardel / das hett
wie ein vogel / vier flügel auff im / vñ vier haupt warn am thier
vnd der gewalt wurd im geben.

Darnach sah ich inn dem gesichte der nacht / vnnnd sihe das
vierdt thier war erschrocklich / wunderlich / vnnnd starck vber
die maß / es het grosse eyssene zen / es fraß vnnnd zerbrach / vnnnd
das vberig zertrat es mit füßenn. Es war aber vngleych den
andern thieren / die ich sahe vor im / vnd het zehen hörner. Ich
besahe die hörner / vnnnd sihe ein annder klain horn wüchß auff
mitten vnder im. vnd drey auß dem vorigen hörnern wurden
abßgerissen vor im / vñ sihe / augen wie die menschē augen warn
am selben horn / vñ ein mund / der redet grosse dñing. Ich sahe
es an biß die füß gesetzt wurden / vnd der ewig nyder saß / seyn
kaid glantz wie der schne. vnd die löck seines haupts wie reine
wollen. Sein thron warn fiewerflammen / vnd seine reder pryn-
nends fiewr. vnd ein fiewriger schneller flußgyeng auß seynem
angesichte / Tausent malt außent dienetten im / vnnnd zehentaus-
sent malt außent stünden bey im. Das gericht saß nyder / vnnnd
die bücher wurden geöffnet / Ich sahe drauff von wegem der
stym der grossen wort / die das selbig horn geredet het. vnd ich
sahe. das das thier ertödet vnd sein leyb verderbt war / Vnd
es wurd gegeben / das mans solt mitt fiewer verpennen / Es
war auch den andern thieren der gewalt genommen / vñ dyc
zeit irs lebens bestimpt. ein zeyt vnd ein zeyt. Vnd ich sahe inn
meinem gesicht / vnd sihe / mitt den wolcken des himmels. kam

eines menschen sun / vñ kam biß zu dem ewigen / vñ sie brachten
in firs sein angesicht / vñ er gab im den gewalt / die Er / vñ das
reich / vñ alle völeker / geschlecht vñ jungen werden im diens
Sein gewalt ist ein ewiger gewalt der kein end nimpt / vñ sein
reich geet nicht zertrümmern / Es entsetzt sich mein gaist / vñ
ich erschraack ab den dingen / vñ die gesicht meines haupts be-
trübten mich / Ich gieng zu einem der dabey stund / vñ fraget
die warhait / vber disem allem / der saget mir dye auflegüg dye
ser dynng / vñnd leret mich / Dise vier grosse thier sein die vyer
reich / die auff erden entsteen sollen / darnach werdē die hailigē
des aller höchsten das reich annemen / vñ werdens behaltē biß
in ewigkait / Darnach wolt ich fleissig fragen vñ dem vierdten
thier / das vngleich war den andern allen / vñ ser erschrocken
lich / sein zen vñd klaen warn eyenen / es fraß vñd zerbrach / vñ
das vberig zertrats mit füßen / vñd von den zehen hömern / vñ
von dem andern daz auffwuchß / vor dem die drey fielen / nem-
lich dz die augen het / vñ ein mund d̄ grosse ding redet / vñ war
größer dan die andern / ich sahe es an / vñd sihe dasselbig horn
strytte mit den hailigen Gotes / vñ lag in ob / biß der ewig kam
vñd gab dz geriche den hailigen des höchsten / biß die zeit kam
vñd die hailigen dz reich eroberten / Vñd er sprach zu mir / das
vierdt thier wirt dz vierdt reich auf erden / vñ wirt größer dan
die andern alle werden / vñd wirt dz gang erdrich fressen zere-
brechen vñd zertreten / Aber die zehen hömer / werdē des reychs
zehen König sein / vñ ein ander wirt nach in auf steen / vñ wirt
mchtiger dan die ersten / vñd die drey demütigen / vñnd wirt
wort wider got den höchsten reden / vñd wirt die hailigen Got-
tes zerknischen / vñd wirt mainenn er vermüg die zeit vñnd dye
gesatz wandlen / vñ es wirt im in die hend gegeben ein zeit / wñ
zeit / vñd ein halbe zeyt / vñd dz gericht wirt sitzen / das seyn ge-
walt hinweg genommen / zerknischet vñd verderbt werd / biß yn
ewigkait / Das reich aber vñd gewalt vñd herlikait / vñd er al-
lem himel werd gegeben dem hailigen volck Gottes / des reych
ein ewig reich ist / vñd alle König werden im dyenen vñnd ge-
horiam sein / Da hat ein end das gesicht des propheten.

In diesem gesicht beschreibet der hailig gaist / die mechtigste
reich der erden / auf das er anzaig / wie der Antichrist im vierd-
ten vnd letzten / das auch das grösst ist / kommen / vnd des selbst
auch der letzte vnd mechtigste König sein soll / Er beschreibet ab-
er nicht darumb vier reich allain / das sunnst kain darneben
sein werd / sonder das da eins auß dem andern kum vnnnd vom
auffgang biß an der welt ender reichen / dan das erst reich auff
erden / ist durch Nymrod zu Babilonien angefangen / vñ hat
gewerdt / biß das reich Persier stercker wurd / vnd es vndertru-
cket / der Persier reich war darnach dz sterckest / biß dz Kriech-
isch auff kam / vnd der Persier reich verhöret / die Kriechen bly-
ben hernach die sterckesten / biß das Römisch erstarkte / vnnnd
nicht allain die Kriechen sonder die gangen welt fraß vnd vnder-
trucket / vnd im Römischen reich wirt der Antichrist der letzte
sein / vnd in wirt die zeyt des jungsten gerichtes ergreyffen / Biß
hyer in diser außlegung kummen vber ein Juden / Christen
vñ Papiste vñ ist noch nye kain andere gehört worden. Sedan
wir aber weytter außlegen / wollen wir den Daniel am achteren
capitel weitter vom Antichrist hören redenn / Dann daselbst
sagt er also.

Vnd nach dem reich der selbigen (das ist der Kriechen / dar-
von er vor geredt hat) wann nun die leitt durch vbertretung
verfinstert werden (das müst im Römischen geschehen) So
würt auff steen ein König / mechtig von geperden / vnd verst-
dig auff fürschleg / vnd sein thon würt gesterckt werden / nitt
durch sein krafft / Er wirt ein wunderbarlicher verderber seyn.
Vnnnd es wirt im glücken / vnd wirt hinauß führen / Er wirt
verderben die starcken / vnd das volck der hailigen / vnd er wirt
faren nach seinem sin / vñ der betrug wirt wolgeraden durch
sein hand / vnd in seinem hertzen / wirt er groß halten von sich
Vnd weil da sein wirt fülle genug / wirt er dann vil verderben
Er wirt sich auch setzen wider den Fürsten aller Fürsten / Er
wirt aber on hand zerbrochen werden.

So ferne redet Daniel aber vom Antichrist / vnnnd ist eben
der König / der im ersten gesicht / durch das klain wachsende
hörnlein

hörnlein / mitt augen vnnnd mund bezaichnet ist / Ein horn be-
deüt in der hailigen gschriſt allweg ein Künig / od fürstē / aber
nicht allain ein person / sond alle Künig die nach eynder re-
giern / so lang ain reich nicht verändert würdt / sein nur ey-
nigs horn / wie dz im achteten ca. Danielis lauter / mer dan cyn-
mal funden würdt / Es würt aber darumb ein horn genenndt /
daß es mit dem schwert mit gewalt regyerdt / wie ein sich mitt
dem horn / vnd nicht mit wort vnd gaist / wie Christus in seynē
reych. Der Anttichrist ist auch ein horn / das ist ein herr im
reich zu Rom / aber nicht wie die andern / dan dye andern ha-
ben an jrem horn nichts / dann sterck / spiz vnnnd scherpff / Der
Antichrist aber hat mund vnd augen / dan wie wol er ein mech-
tiger herr im Römischen reich ist / muß er doch ein aufseher vñ
ein Leermaister sein / das ist ein seelsorger oder Bischoff / daß
ein Bischoff haist in teütsch ein wachter oder auffseher / wie d
herr zum propheten Ezechiel sagt am 3. capitel. Du menschen
sin / ich hab dich gesetzt zum auffseher ober das hauß Ysrahel.
Du wirst auß meinem mund das wort hören / vnd es inen ver-
künden / wann ich zum gotlosen sag / du wirst des tods sterben
vnd du wirst ims nicht verkündigen / dz er von seinem bösen
weg abtret / wirt er in seinen sünden sterben / aber sein plüt wil
ich von deinen henden foderne. Ein sollich amptt hatt der
Antichrist auch / soll nicht mit dem schwert / sonder mitt der
predig fechten / vnd nicht ein blind regiment führen / das allayn
im außwendigen schein daher gee / wie andere weltliche reych
sonder soll sehen / vnd sich (wann er anderst recht thon wolt)
nach dem liecht des götlichen worts richten / Dz ist seyn reches
ampt / darinn er auffwechset / es thuts aber nichtt / sonnder / so
bald er groß wirtt / redet er grosse vnnnd grausame ding wider
Got den herren / Dz bezenget auch der hailig Paulus in seynen
andern Epistel zum Thessalonichern vnnnd spricht / Laßt euch
nyemande verführen / inn kaynerlay weiß / dann der tag des her-
ren kumpt nicht / es sey dann das zu vor der abfall komme / vnd
offenbar werd der mensch der sünden / vnnnd das kind der ver-
derbung / der da ist ein widerwertiger / vñ sich erhebt / ober al-

les das da Got/ oder gottes diennst haist/ also das er sich setze
in tempel Gottes als ein Got/ vñ gibe für er sey Got. Gedēct
ir nicht daran/ das ich euch solches saget/ da ich noch bey euch
war/ vnd was es noch auffhalt/ wyßte ir das er offenbart wer-
de zu seiner zeit/ dann es reget sich schon berayt das gehaym
der bosshait/ on dz es yetzo auffhelt muß hinweg gethon werde
Vnd als dann wirt der bosshafftig offenbart werden/ Wöl-
lichen der heri wirt erwirgen mit dem gaist seines munds/ vñnd
wirt sein ein end machen durch die erscheinung seiner zukünfft/
des wöllichen zukünfft geschichte nach der würckung des Sa-
thanas. mit allerlay lügenhafftigen krefftē vnd zeichen vñnd
wundern/ vñnd mit allerlay versūrung zur vngerechtigkait vñnd
der denen die verlorē werden darūm dz sich die lieb d̄ warheit
nicht haben auffgenomē dz sy selig wurden/ Darūm wirt in
Got sendē krefftigen irthumb/ dz sie glauben der lügen/ auff
dz gerichtet werden alle die der warheit nicht gelaubt haben
Sonder haben lust gehabt an der vngerechtigkait.

Also beretiget/ der hailig Paulus auch/ dz der Antichrist im
tempel Gottes/ dz ist/ in der hailigen Christenhait soll sitzen
vñnd leeren/ vñnd doch ein mechtiger Künig/ der sich wider Gott
vñnd sein wort erheben werd/ sein soll. Aber noch wercklicher
beschreibet in Johannes in der haimlichen offenbarung am 13
capi. Das wollen wir auch erzelen/ vñnd darnach den sinn in
allen dysenn gschriefften kurzlich begreiffen. Er spricht also
Ich sahe ein thier auß dem mōr steigen/ das het sieben heupter
vñnd zehen hörner/ vñnd auff seinen hörner zehenn kronn/ vñnd
auff seinen haupten namen der lesterung/ vñnd das thier das
ich sahe war gleich einem Pardel/ vñnd sein fuß als Beren fuß
vñnd sein mund als ein Löwen mund/ vñnd der Tract gab ym
sein krafft vñnd sein stül vñnd ein grosse macht/ vñnd ich sahe
seiner haupt eins als were es tödlich wund/ vñnd sein tödliche
wunde ward hayl vñnd der ganz erdpodem verwundet sich
des thiers/ vñnd beeten den Tracten an der dem Thier macht
gab/ vñnd beeten das thier an Vñnd sprachen. Wer ist dem thier

gleich vnd wer kan mit im kriegem Vnd es ward im geben ey-
 mund zü reden grosseding vnd lesterung vnd es ward im gebē
 dz mitt im weret zwē vnd vierzig monat lang Vnnd es thet
 seinen mund auff zür lesterung gegen Gott / zū lesteren sein na-
 men vnd seine hütten vnd die im himel woneten / vñ ward im
 geben zū streiten mit den hailigen vnd sie zū überwinden / vnd
 macht vber alle geschlecht / zungen vnd hayden vñnd alle dyc
 auff derden woneten / beteten an / der namen nicht geschriben
 sein im lebendigen bāch des lambs / Dz erwürgt ist von anfang
 der welt. Hat yemant oren zū hören der höre So yemant im dz
 gefengtnuß fūret der wirt in dz gefengtnuß geen / So yemant
 mit dem schwert tōdet / der muß mit dem schwert getōdet
 werden. Wie ist die geduldt vñ glaub der hailigen. Vnd ich sah
 ein ander thier auffsteygen von der erden / vñ het zway hörner
 wie das lamb vnd redet wie der Tract. Vñ es thūt alle macht
 des ersten thiers vor im vnd es macht dz die erd vnd die drauff
 wonen / anbeten dz erst thier / wölches tōdelich wunden hayl
 worden war / vnd thūt grossen zaichen dz auch sewer von him-
 mel macht fallen vor den menschen vnd versūret die auff derden
 wonen / vmb der zaichen wyllen die im geben sein zū honn vor
 dem thier / vnd sagt denen die auf erden wonē / dz sie dem thier
 ein bild machen sollen daz die wunden des schwerts hat vñnd
 lebendig worden war. Vnd es ward im geben / dz es dem byld
 des thiers den gaist gab / dz des thiers bild redet / vñ dz es ma-
 chet wölche nicht des thier byld anbeteten ertōdet werden
 Vnd macht alle sampt die klainen vnd grossen / die reychen vñ
 armen / die freyen vnd knecht dz es inen eyne malzaychen gab
 in yre rechte hand / oder an ire styren / dz nyemā kan auffen oð ver-
 kauffen kan / er hab dan dz malzaychen des thiers / oder die zal
 seines namens. Wie ist weisheit / Wer den verstande hat der
 vberleget die zal des thiers / dan es ist eins menschen zal / vñ sein
 zal ist sechshundert vnd sechshundsechzig.

Das seyn die grōsten vnd klāristen gezeugtnuß der hailigen
 gschrift von dem Antichrist / die wōllen wir ein wenig bass er-
 G ij

klären. Daniel zelet die vier reich/die auß einander/vnnd nach
einander endtspungen auff erden/Vnd zaigt/dz d̄ Antichrist
ein König des letste/nemlich des Römischē reichs sein werd
Johannes füret noch dreü reich dargü/von der seytē hyneyn
Vnd zaigt sibene an/nicht das ir nicht mer werenn/wann ers
alle wolt an gaygenn/Sonnder darumb/das die sibē allayn
wider Gottes wort gefochten haben (dann nach den andeen
fragt Gottes volck nicht) Vnd macht auß allen nur ein cynig
thier/Es hat aber sibē heupter/dann das weltlich schwerde
füret ein art/vnd ist ein ding durch die gannzen welt/wo aber
ein König ist/da ist ein haupt disēs thiers/nemlich des weltlichē
gewalts/die dreü reich aber/die er zū den viern vom Da
niel beschriben/hingü zelet/sein das Egiptisch/das Assirisch
vnd das Tüdisch zū den zeytten des Königs Manasse/Dann
vnder disē sibē reichen/haben Gottes wort vnnd volck/vor
vnd nach Christi gepurd/dz ist bey Juden vnd Christen grosse
nott/veruolgung vnd vertruckung erlitten/Vnnd das haupt
das tödelich verwundet ist/bedeüt den Antichrist/Warumb
er aber den allain/für das Römisch reich setz/wirt er sich selbs
auflegen/Also kommen sie bayd vber ein/das der Antichrist
der letst herz im Römischen reich sein sol/Daniel sagt/die vier
thyer stifgen auß dem mör/Johannes sagt/das thier mit sibē
haupten vnnd zehen kronen/styg auch auß dem mör/vnd das
legt er selbs auß am sibēzehenden capi.vnd sagt/Das wasser
bedeüt völk̄er/scharen/hayden/vnd zungen/dz ist alles volck
außer erden/Die inen solliche reich auffgerycht vnd erhalten ha
ben/Dannes ist gleich wann man ainen auß dem hauffenn zū
König macht/als wenn ein thier auß dem mör an das lann
kumpt/Daniel sagt/Das vierde thier/das Römisch reich hab
zehen hörner/vnd wachß ein klaynes hernach dz hab augen vn
mund/das ist/wie oben gezaigt/dz Bischoff ampt oder hirtē
ampt.Dan d̄ Papst ist erstlich ganz klain vn̄ geringe gewest/
hatt sich aber ye lennger ye baß auffgerycht/vnnd bald nach
Christ gepurt/wie wir hernach zaigenn wollen/fürgebenn/er
sey der obist Bischoff auß götlichem rechtē/Darumb das
Christus

Christus Petro die schlüssel habe bevolhen / Es volgt aber nicht
wie wir zu seiner zeyt das erklären wollen / wann gleich Petrus
der obist wer gewesen (das doch nicht ist) das darumb ein yet
licher bischoff zu Rom / obister vber die andern all were / dann
es müste sunst Mathias auch ein verretter sein / darumb das
er an Judas stat erwelt worden ist / Da nun der babst also
herfür wolt prechen Nemlich das sibend haubt / vnnnd das
letscht / von allem weltlichen gewalt wird er mit dem geystli
chen schwert geschlagen / Welches ist das wort gotes 2. peti 2.
Dann Christus hats zum zum dickern mal verboten / so die
jungern zancfē / welcher vnter inē der obist wird sein / sagt er
allwegē der hayden künig herschen vber sy / jr aber solt nit also
sein. Difes schwert des göslichen worts / wurde dem babst
vff sein haubt gelegt mer dann ein mal / wie in seynē geystliche
rechten dis. 99. Ca. prime. geschriben ist. / dann daselbst wirt
angezeygt / das im Concilio affricano beschlossen sey / das sich
kein Römischer bischoff einn gemainen bischoff / das ist / vber
annder all / nennen soll lassen / Das war die tödelich wunde
Dann yederman maynet / er müste sterben / das ist / es würd in
gar nicht für sich geen / das er vber die annderen bischoff all /
heri würd / vnnnd er kōndt sich zwar mit sant Peters schlüsseln
nicht wider auffgericht haben / het er nicht ein andern list er
funden / er wer gewislich tod vnd abgewest / das ist das sant
Paulus sagt / er würdet schonn yetz vnnnd das gehaymnus der
boßhayt / als wolte er sagenn / er regt sich schon / wie ein kinde
das in mütter leib ist lebendig wordenn / dann es waren schon
jr vil / die vnter dem deckmantel des wort gotes / nur gewalt
er vnd faule tag süchten / die selbigen faulen bösen glider ha
ben sich zu samengerhan / sein ein leyb vnd hauff worden vnd
hernach ein haubt gewinnen / nach all jr elust / darüß spricht
Paulus weytter / er werd zu seynen zeyt offenbar werden allein
der es yetz auff helt / der müß hynweg gethon werden / Dyses
worts verstand / ist auch byß zu vns / von denen die es auß seynem
mund gehört habenn schrifftlich herkomē / nemlichen er
habe vom keyser zu Rom geredt / Dann weil d keyser zu Rom

hoff hielt / kömmt sich der Papst vor im nit auffrichten / sonder
müß warten biß der selbig hinweg gethā wurd / das geschach
da der groß Kayser Constantinus ein Christ wurd / vermaynt
das reich ins Kriechenlandt wider zu pringenn / verließ Rom
zoggen Byzantz hawets vnnnd nennets das new Rom / vnnnd
nach seynem namen Constantinopel / aber es selet im / sein an
schlag gieng nicht für sich Sonder da müß sanct Paulus
weyßsagung erfüllt werden Da der Kayser hinweg sich gethā
hert Tichet / der Babst vnnnd gab für / wie im Constantinus
das reich vnnnd alle obrigkeit geschenckt vnnnd des prieff vnnnd
sigel gegeben het / mischet darmit ein / wie im solche obrigkeit
vonn sant Peter wsegenn nach gölichem rechtenn gepüret /
Welchs brieffs copey in alle christen hayt ist außgangen / für
war ein ganz vnd maysterliche lugē Vnd es ist im also für sich
gangen / das haupt das vor mit gottes wort tödelich verwun
det war / haylet wider von diser lügen Dann Constantinus
solt im erstlich die Obrigkeit vber die vier fürnemsten stäl / nem
lichenn Alexandria / Antiochia / Constantinopel vnnnd Ihe
rusalem gegeben haben / darnach auch vber alle kirchenn der
ganzzen welt / Vber vber alle priester zum fürstenn gesetzt
Das ganz reich / vnd allen zierd Kayserlicher Maiestat vber
gebern vnnnd geschenckt / zu lest im auch an die stegrayff ge
griffen haben. Vnd da ist der Antichrist offenbar wordenn /
da der Kayser hinweg kam / vnd die ganz welt sich verwun
dert ab dem thier / des wundenn gehaylet ward / Dann daher
hat man gesagt / wer wider den Stül zu Rom thū / dem gee es
weder an leyß ob an seel mer wöl / vnd hat yederman geglaubt
es sey vō got / er habe sant Peter also mit den schlüsselnn zum
herin wöllen setzen wie es dann geschinen hat / aber in der war
hayt / ist es gottes maynung nit gewesen / sonder der Trach / der
ceißel hat im die herlikayt vernüttels seynen lügen gebern dar
rumb alle die da glaubenn / das Babstumb auß got sey / wie es
yetz ist beeren den trachen an / für got / wie Johannes sager
Also hat der Babst das Römisch reich erwischet / vnd dem
Kayser den tittel gelassen / Da verset man dan sein warumß

das thyer sibenhaupt vñ zehen kron hab / daß dñ Babilonisch
haupt hat ein kron / das Egyptisch ein kron / das Persisch ein
kron / das Assirisch ein kron / das Jüdisch ein kron / dñ Kriech
isch ein kron / vñ das Römisch leyst haupt auch ein kron / der
sein sibenhaupt / So nu dñ sibende haupt nemlich dñ Römisch reich
solt dem Papst durch lyf vñ lügen werden / vñ ist im wo
den / hat der Kayser sein titel vñ kron behalten / als der nit an
ders waist / daß er hab dñ Römisch reich noch vñ der ime / vñ
der Papst im darfür ein newe gemacht / vñ treget yetzo nicht
ayne sonð drey kron / Also ist der weltlich gewalt vñ anfang dñ
welt in sibenhaupt nach einander verfaßt / die wider Gottes
wort müsten fechten / vñ führen doch die sibenhaupt zehē kron
vñ da geerts daß daher / das der Papst nicht mer Gotes wort
predigt vñ predigen leyt / daß es kan Gotes wort vñ sein reich
nit bey einander steen / sonð thüt sein müd auff vñ redet grosse
ding wider Got den herren / verpeüt wñ Got erlaubt hat / vñ er
laubt was Got verpotten hat / haist ketzerey / dñ Christus selbs
geleert vñ gethon hat / Vñ solch sein fürnemen geet im von
statt / denn crist mechtig in gederden plenden die einfeltigen
leüt mit dem grossen bracht seiner Ceremonien vñ Concilien
vñ ist verständig in fürschlegen / wie Daniel 8. sagt. Darin
ist er auch herr vñ alle vñ luter vñ zungen worden. Da kump
dann dñ ander thier dñ hömer hat viel lām in / dñ ist es sichte
eben wie Christus / mit predigen vñ mit gütten aufwendigē
schein / Aber es redet wie der Tract / dñ ist ein solicher hauff / dñ
einer ain ayd möcht schwern / es wern recht frumme Cristliche
leerer / vñ dem lein in Christo gleich / aber sie reden nit gottes
wort / sonð heidnische weisheit / auß dem Aristotele gezogen
das ist dann dñ recht teuflisch wort / vñ diser hauff / ob dñ thier
thüt alle macht des erstē thiers / des Papsts vor im Der papst
figt styl / hat güte tag / leyt sein münch machen vñ anrichtē
was anrichten ist / Die richten daß an dñ die leüt auff erden
den papst anbeten / vñ für ein irdischen got haltē / machē feuer
von himel fallen / dñ eben ist wie Christus sagt / Ich bin konig
dñ ich ferer auff erden wol senden / vñ wñ wolt ich daß dñ es

prünne / das ist / Ich will ein zwittracht anrichten / dz die meynen
veruolgt werden vnd doch festiglich besteen sollen / da sol
es alles prünnen vnd ein ernstlicher streit sein / also hatt diß lege
thier / auch ferwer von hymel herab bracht / dann es hatt den
Babst vnter dem schein des götlichen / hymelischen wortes so
hizig inn die armen leut getragen vnnnd eingebildet / das man
in züerhalten vil ernstlicher / dann für Christum gefochtem
hat / Weytter richtet das thier an / das man dem Babst ein
bild sol machen / das müß man auch nach der art Cristi vnser
herin versteen. Christus ist ein ebenbild des götlichen wesens
vnnnd ist das wort des vaters / Also nennet Johannes hie des
Antichristi wort auch ein bild / vnd das thier heyst ein bild ma
chen / das ist / des babsts wort in ein buch verfassen / welches
sein gaysslich recht ist / vnnnd da glückes auch / das bild wurde
reder / das ist man lisset es vberal / vnnnd nimpts an / höret im
fleyssig zu / vnnnd lebet darnach / vnnnd wer das bild nicht anbe
tet / das ist / als vil von des Babsts wort helt / als von gottes
wort / den erwürgt man / wie man auff disen tag sibet vñ greif
fet / vnnnd darzū dienet das thier / die pettel münch vnd keger
meyster / Vnd das alles wirt kreffig / wie Paulus sagt / mit al
ler lay lügenhafftigen kreffte / zeychen / wundern / vñ verfürug
en zur vngerechtigkayt / wie die münch zū Bern wol beweyst ha
ben / Da verstet man nun was sy maynen / da sy sagen / er wirt
wider gottes heyligen fechten / vnd inen obligen / dann alle so
disen grewel nicht anbeten / werdenn für keger gehalten vnd
erwürgt / das dann der prophet Zacharias am 11 capic. auch
klar ansaygt (nach dem er von Christo / vnd wie die 30. pfen
nig von Juda in tempel solten geworffenn werdenn / geredet
hat) vñ spricht Ich wil noch ein hirtten auff erden auffwecken
der das verlassen nicht besehen / das verlorn nicht suchen / das
zerbrochen nicht haylen / das gesund nicht waydnen / aber der
saysten fleisch fressen / vnd ire klaen zerprechen wirt / O des hir
ten / O des abgots / der die herd verlest / das schwertt soll vber
seinen arm kommen / vnnnd über sein gerechtes auge / sein arm
soll verdouen / vnd sein aug finster werdenn Ein solch abgot

ist der nechst hirt nach Christo / nemlich der Babst der nur wil
angebettet sein / vñnd der schäflin doch nicht pflügen.

Wielang soll es aber wern? wann wirts ein end nemen? Da
niel sagt / ein zeyt / zwölff zeyt / vñ ein halbe zeyt / das ist viert halß
jar / Johannes sagt zway und vierzig monat / ist ebenn souil /
Es ist aber nicht möglich / das er solche böberey inn vierd halß
jaren / wie wirs verstecken / möcht aufrichten / darzu tringt fest
das die Apostel all sagen vñ klagen / der Antichrist habe sich
zu jren zeytten schon geregt / so hat er ye noch kein ende / dann
Paulus spricht / es reget sich schon das gehaynnus seiner böß
heyt / vñ Johannes 1. Joh. 3. Kinder / es ist die leetst stund
vñd wie ir gehört habt / das der Antichrist kompt / vñd sein vil
Antichrist worden / von vns seinsy außgangen / aber sy warnn
nicht von vns / Es tringt vns aber noch vil herter / die weysssa-
gung Danielis von Christo / da er sagt / vber zwölff und sybenzig
wochen wirt Christus getödtet / Vñnd hat ein Jar für einenn
tag / syben jar aber für ein wocheu gerechnet Vñnd also ist es
auch erfült worden / So müssen wir nun hie auch ein Jar nur
für ein tag rechnen / dann der haylig geyst sicht die zeyt nicht
an wie wir / es get im auch die sonn nicht vnter / darumb nen-
net er ein tag / wann die sonn ein mal durch die zwölff zeychen
herumb kompt / das nennen wir ein Jar / also werden dreysig
jar ein monat / Dann solten wirs anders außlegen / so müßte
wir die wocheu von der zukunfft Christi auch anders außlegen
Wie wirs nun anders außlegen / so wurd der ganz Cristlich
glaub falsch / vñd Jesus nicht der recht Christus sein / Dar-
umb wöllenn wir ein jar für ein tag nemen / vñnd also vierd-
halb jar machen / das thut in suma. 1277. jar / so ist Keyser
Constantinus on gesetlich bey 338. jarn nach Christi gepurt
von Rom gen Constantinopel gezogen / sein seidher blauffen
1200. jar / viere minder / darzu thut man die zeyt / die er sich vor
Constantino auffgericht hat vñd mit dem schwert des worts
geschlagen ist worden / dann mit Constantino hat er sich schō
wid geheylet / das ist auffß wenigst 20. oder 30 jar Oder wann
wir nach Beshlichen gezeigen wolten vrtzeulenn / hatt Babst

zephirinus/ der wol sechzig jar darvor ist gewesen/ ein vnchrist-
lich gesetz gemacht/ vnd alle menschen die zu den jarn kommen
daz sie das hailig Sacrament zu Ostern müstenn empfangen
mit gewalt gedungē/ sie wern geschickt oder vngeschickt dar-
zu/ Darauß man wol nemen mag/ das dazumal/ der Antis-
christ schon im schwanc gewesen/ vnd daher gefarn ist. Wann
man nun auch bedenckt/ das der heri sagt/ wann die tag nicht
verfürzt werden so würt kein mensch selig/ das ist/ die war-
hait vnd der glaub wurden gar verurtheilt/ Darumb ist die zeyt
verfürzt nicht das sein zeit nicht erfüldt solt werden/ dann
sein Regiment müß 1277. jar erraychen es würt aber mit de
verfürzt/ das die warhait wider an tag kumpt die verfürzung
entdeckt wirt vnd die leüt wider auff den rechten glawben
geführt werden/ ee dann der Papst gar vndergeet/ so kan man
leichtlich abnemen das eben yetzo die recht zeyt ist/ in der iueß
heri Jesus erwirgen würt/ mit dem gayst seynes munds/ das
ist mit der krafft seines worts/ Dann es sagt der heri Mathey
am 24. Es werd das Euangelion inn aller welt gepredigt/
zum zeugtnus vber sie vnd dann werd das end kommen.

Das ander thier aber/ die verfürschenn prediger/ habenn
noch eins angericht nemlich das groß vnd klain/ reych vnd
arm/ heri vnd knecht ein zeichen von den thier müstenn em-
pfangen/ darbey man sie kennet das sie im anhangen das ist
eintweder in der gerechten hand wann mans mit offentlichen
wercken bezeugt oder an der styren/ wann mans mit offentlicher
bekandtnus vnd ganningen wandel angayt/ oder müß dye
zal des thiers/ das ist brieff vnd sigel haben/ Wer nit also be-
zeichnet ist daz er dem hailigen stül zu Rom vnderworffen sey/
kan nicht kauffen oder verkauffen Dann im würt gaisliche
vnd welliche gemainschafft verpotten/ verpant/ vnd zuletzt
auch inn die Kaiserliche acht gethonn/ vnd hyerauff schemt
seine Kegermaister gar fleissig ob yemands sein gepott hale
oder nicht/ nach Gottes wortten vnd gepotten fragenn sie
nicht/ Wann man aber des Papsts nicht helet/ am Fasttag
flaisch yßet/ inn der Fasten nicht beicht/ zu Ostern nicht zu

gotteslich geet / da hat man das zaychen nicht / sein vngehorsame kinder der heyligen muter der Christlichen kirchen / vnnnd müssen herhalten vnd verbannet sein.

Es habenn sich aber vil verirret an dem wortt zal / was die zal / seines namens sey / darvon wir gesagt habenn / es heiss schrift oder brieff vnnnd sigel / vnnnd ist das die vrsach / der heylig Ioannes als er eingeborner Jud war / hat er die gannzen offennbarung / was mündelich mit jm geredt ist / inn hebreyscher sprach gehört vnnnd empfangen. Aber den Chriſten zu gut / vnnnter denen er war / inn Kriechischer sprach wider geschribenn / wie das büch selbs klärlich annzeygt / So heyst nun in hebraischer sprach sepher / schrift / brieff vnnnd zal / wie wir auch vnser zal sipher nennen / dan es ist in hebreyscher sprach ein ding / alle büchstaben sein zal / vnd alle zal oder sipher seyn büchstaben / Darumb giltes gleych / man nenne schrift oder zal. Also muß man vnter andern zeychen auch züzeyten schrift vnd brieff vom Babst haben wil man annderst zu friden seyn. Welcher nun dise gehaymnus nicht begreyffen kan / der sol jm an dem gnügen lassen / das er sihet den Babst das schwert brauchen / das doch wider gottes wort / vnd seines reichs artt ist. Darumb spricht Johannes / Wer oren hat zü hören / der höre / So yemand im das gefencknus feret / der muß inn das gefencknus geen. Vnd wer mit dem schwert tödret / der muß mit dem schwert getödet werden. Hie ist die gedult vnnnd glauße der hayligen / Alß wölte er sagen Wann der Antichrist anhebt vnnnd verstöret das wort vnnnd die ordnung gottes / vnnnd erwürget die jm darein reden / sollenn jm die rechten Chriſten nit anhangen / Dann ob sy schon kein andern grund habenn / das der Babst vngerechte sey / vnd zü trümmern geen muß sollenn sy es bey dem erkennen das er fahet vñ würrget / welches ye dem Reich Christi nicht züsteet / dann es sicht vnnnd streyt allain mit dem wort / vnd treget das creutz selbs / erwürget niemandt. Darumb muß sein reich nicht auß gott / sonnder auß dem teüfel sein / der ein todeschleger von anfang war / Vnd also auch zü seyner zeyt ein end nemen.

Vnd darauß sollen sy gedult vnd bestendigkeit im wortt got-
tes vnd dem glauben schöpfen/dann wie er mißt /so wirt im
got wider messen. Also hat der herr mat. am 24. diß versü-
rung sein ordenlich anzeigt vnnnd spricht zum erstenn/Es wer-
den vil vnder meinem namen kommen/vnnnd sagen sy seyn
Christus/vnd werden vil verführen/das ist/etlich werden sich
des Euangelion zu predigē vnder steen/als hett ich sy geschickt
werden aber sagen sy seyn Christus/das ist/was ich befohlen
hab zu predigen das sollen die prediger außrichten/als die bot-
ten/Die aber werden sich des gewalts selber annemen/vnnnd
sprechen/sy sein Christus/dann sy solten vergebung der sünde
in Christus namen predigen/da behielten sy ihnen selbs den ge-
walt/vnd sagten/sy hettē macht die sünd zu vergeben/oder
vorzu behalten/das dann nicht war ist/sonnder sy solten nur
boten sein/vnd die botschafft trewlich außrichten/nichts dar-
von oder darzu thun/sonnder/bey dem lassenn bleyben/Wer
glaube vñ getaufft wirt/der wirt selig/wer aber nicht glaube
der wirt vddampt/Das aber Christus sagt Mathei. 16. Selig
bistu Symon Jonas sun/fleisch vnnnd blut hatt dir das nide
offenbart/sonder mein vatter im himel/vnnnd ich sag auch dir
Du bist ein fels/vñ auff disen fels wil ich bauen meyn gemain
Vnd die pfortten der helle sollen sy nicht vberweltigen/vnnnd
dir wil ich die schlüssel des hymelreichs gebē/alles was du bin-
den wirst auff erden/sol auch im hymel gepunden sein/vnd
alles was du auff erden lösen wirst/soll auch im hymel gelöst
sein/das hat die mainung/Christus ist der fels 1. Cor. 10 vnd
der grund darauß die cheistenhait erbawet ist/dann Paulus
sagt 1. Cor. 3. Ain andern grund kan niemant legen on der ge-
legt ist/welcher ist Jesus Christus/das wort des vattes/wem
nun der vatter den sun offenbart/das ist/Christu recht durch
den hailigen geyst/der in verkleren soll/zu erkennen gibt/der
hat Christum in jm/vnd ist ain gaist mit jm worden/dye weyl
nun Christus der fels ist/wirdt er auch ain fels auff Christum
erbawet/vnd ganz ain geist mit jm geworden/vnd auff disen
fels Christum, muß die gannz gemain erbawet seyn/das ist/
durch

durch die offenbarung des vatters, das lebendig wort empfangen / also ein fels werden / vnd vnüberwindlich sein / diesem fels / gibet Christus die schlüssel / nemlich der ganz gemeyne die durch erkandnus Christi ein fels ist worden Joh. am 20. Er bließ die an vnd sprach / Nemet hin den heyligenn gayst / welchen jr die sünd verlast den sein sie verlassen / vnd welchen jr sie behaltend / den sein sy behaltenn Als wolt er sagen / mir ist aller gewalt geben in hymel vnd erden / ich hab die sünde macht zuuergebe / ich würd aber selbsleyblich das nit aufrichten sond jr als die botten / müßt das thun wie auch Paul⁹ sagt 1 Cor. 4. Darfür halt vns yederman / nemlich für Christus die ner vnd hauffhalter vber gottes gehaymnus. Dieweyl aber ich in euch bin / vnd jr durch mich fels sein seyt wordenn / vnd nun den heyligen geyst habt / so greyffet es dapffer an wiewol ich allain macht hab die sünd zuuergeben / vñ euch doch nyemandt beneñ / wem jr vergeben oder behalten solt. wirt doch mein gayst bey euch bleyben / vnd euch recht leyten / er wirdt euch nichts auf erdelassen binden / es sey dann vor durch mich im hymel gepunden / er wirdt euch nichts heysen auflösen / es sey dann vor durch mich im himel auffgelöset / Darinb ist es kein gewalt / sonder nur ein podtschafft. darinn sy der heylig gayst layttet / das sy es recht aufrichtenn. Wa aber der heylig geyst ist handelt er ja nit wider gottes wort / Das wort gottes aber hat schon bestymbt wen man binden / nemlich de vnglaubigen / vnd wen man lösen sol / nemlich den glawbigen. dabey muß es auch beleyben. Die verfürer habenn aber das jr zu forderst gesetzt / vnd gesagt / wen sy endtbindenn / der werde im hymel hernach entbunden / vnd dieweyl nit / das ist als vil gesagt als / ich bin Christus Vñ das ist dz erst alter des Antichrists darinn er gewachsen / vnd zum herin worden ist / hat sich zur Apostel zeyt angefangenn / vnd geweret / biß er denn Kayser vnder sich hat bracht. Zum andern spricht Christus Ir weret höre krieg vnd kriegs geschray / erschreckt nicht / dann es muß zum ersten geschehen / aber es ist noch nicht das ennd da dann es wirdt sich entpöin ein volck vber das ander / vnd ein

königreich vber das ander / vnd werde eßwrezeit / pestilenz /
vnd erbidem hyn vnd wider sein / vnnnd da wirt sich aller erst
dienot anheßen Christus sagt hienichts von den kriegenn da
aynhayde wider den andern / vmb zeytlich güt / gewalt vnnnd
eer / vnd was dergleichen ist / ein krieg fürnimpt / dann dasselb
ist nichts besonders / noch erschrecklichs / sond vorvil tausent
jarn im prauch gewest. Aber das ist ein erschrockenlich vn-
christlich ding / das ein Christ wider nen andern fechten soll /
vnnnd noch vil erschrockenlicher vnnnd vnchristlicher / dz mann
wider die vnglaubigen der maynung fechtē / vnd das schwere
fürn sol / als wolt man damit gottes wort außbrayten / vnnnd
sie zum glauben pringen / welchs der Babst baydes angericht
vnd verursacht hat / Dann da er nun war mächtig durch seyn
betrug worden / Besorgt er wañ man des gewar würde / es wirt
de kein bestandt halten / richtet krieg an wo er möchte / auf das
der Kaiser nit müßig wüird / Kom wider vnter sich zühingen
Dazü hat er auch gnad vnnnd ablaß wider die vnglaubigen
zühenden außgeben / Vnnnd haben die frommen Christen von
den kriegenn so vil vnchristlichs wesenns gehört vnd erfarn / dz
sy billich möchten gedachte habenn / der jungst tag wer nicht
weyt dauorn / Vnd da kompt dann der heri noch klärer / vnnnd
spricht mann werd auch kriegs geschreyhörm / das ist / wann
der Babst ein Türcken zug fürgibt / macht ein groß geschray /
ist nicht darhinder / dann das mans gelt von leütten pringet
Vnd das ist das ander alter des Antichrists / darinnē er müt-
willig gewest ist / Zum dritten spricht der heri weyter / Als dan
werden sie euch vberantworten in trüßsal vnnnd werdenn euch
tödtenn vnnnd jr müßt gehaßt werden vmb meynes namenns
willen von yederman / Dan werden sich vil ergern / vnd vnter
einander verratten / vnd sich vntereinander hassen / vnnnd sich
vil falscher propheten erheßen / vnd werden vil verführen / Vnd
diuweyl die vngerechtigkeyt wirt vberhandt nemen / würe die
lieb in vilen erkalten / Wer aber beharret biß an das ennd / der
wirt selig / Vnnnd das ist dz trit alter des Antichrists / darinnē
sein tyranny am aller krefftigsten ist gewest / dann da hatt er

alle die erwirgt vnd verpiennt / die nur etwas wider in geredt
haben / vnd das hat geweret biß hieher. Zum vierden spricht
der heri weytter / Das Euangelion wirt prediget werden inn
aller welt / zum gezeitnus vber alle völeker vnn dann wirt
das end komen / Vnn das ist vnwidersprechlich schon ange-
fangen / vnn ist das letzte alter darinnen der Antichrist wider
schwach wirt Dann der heri Cristus wirt in wie Paulus sagt
mit dem gayst seines munds / das ist durch die predig des hay-
ligen Euangelions wider tödten vnd aufstilgen.

Wie ist nu die weyssagung spricht Johanes / wer den verstande
hat / der vberlege die zal des thiers / dan es ist eines menschen
zal / vnd sein zal ist Sechshundert vn sechshund sechzig / das ist
wer es recht verstet was dises thiers wesen sey / der hab im das
zum letzten warzaychen / Er fragnach seinem namē. dan wie
wöl es ein ganz reich ist / nennet es sich doch nach ainem men-
schen / vnd desselbenn menschen name geschribenn / ist die zal /
dan schrifft vnd zal ist ain ding / vnd da wirt erfunden . 666.
Wann man nu den Babst fragt / waher kompt dein gewalt /
vnn herlikayt? du hast in ye vonn sant Petro nicht er erbett /
so hastu es auch nicht mit kriegs rechten gewonnen. So muß
ernach seinem erdichten prieff vnn sygel sagenn / Es sey dem
Babst Siluester geschencft vnd vber geben / Von dem habe
er ererbt.

Also nennet sich das thier mit ainem menschen namenn /
vnn bedeckt sich mit dem selben / Wann man aber sein namē
schreybt in Hebreyscher sprach / wie er dann die offenbarung
in der selbigen empfangen hat / so findt man die zal ganz seyn
ordenlich vnn unzertrennt darinn also.

סלשסל

Siluester

Auff das aber auch die / so der Hebraischenn schrifft vnn
sprach nicht Bericht sein / erkennen vn vor augen sehen mögen /
das also sey / wöllen wir hienach / zal oder sip her allenach ord-
nung anzeygen.

* Das ist der letst büch-
stab / darumb müssen sie
darnach zwen oder drey
zusamen nemen vnd ligt
nichts dran wellicher zu
forderst see.

100	ק	י	א
200	כ	ב	ב
300	ג	ג	ג
400	ד	ד	ד
500	ה	ה	ה
600	ו	ו	ו
700	ז	ז	ז
800	ח	ח	ח
900	ט	ט	ט

Das aber die ersten zwen büchstaben seyn / vnnnd nichts zu
der zal thun / das ist nicht vnrecht / dann es ist genüg das dye
zal ganz ordenlich vnzertreüt im namen gefunden wirt / vnd
des namens ain tail ist. Vnnnd das dem also sey / gibet auch ayn
anzeigen / das er / wiß alle art vñ natur d lateynischen sprach
Siluester vñ nicht Siluestris haist / Dann es hatt die Sprach
nachtail müssen leyden / auf das die weysagung erfült / vñ die
zal im namen ganz gesehen wurd / welche zerstöret wer wöde
so man in nach rechter art der lateinischen sprach genennet
hett.

Also ist das / das letst zaichen / dabey Johannes in gezeich-
net hat / welches nicht hat können vñ mügen eröffnet werden
biß es alles erfült war / wie aller weysagung art ist.

Das aller größest aber / damit er schaden hat gethonn / ist
sein ler geweest / von wölcher wir zu reden yetz nicht zeyt genüg
habenn / allain soll man fleysig mercken / das Daniel von im
sagt / er wirt mainen / er mög zeyt vnd gesatz verändern / wöl-
liches er auch gethon hat / vor der welt / aber vor got nichts auß
gericht / dan gottes wort bleybt ewigklich / himel vñ erdtrich
werden zergeen / aber meine wort werdē nicht zergeen / spricht
der herr. Darumb muß man gottes wort vnnnder die hend

nemen / vñ sich wiß darnach richten / Vñ ob sichs gleych anse-
hen leßt / als werd er denen die vß seiner verfürung abtretten
grossen schaden thün / soll man doch sich des tröstē / das seyn
thün gestärckt ist / aber nicht durch sein krafft / vñnd das er on-
hend zübröchen muß werden / wie Daniel am 8. sagt / on krieg
vñd schwerdt / durch geperd / vñnd durch den list des andern
thiers ist er auff komen / durch die selbigen ist er auch erhalten
on schwert wirt er wider zergeen / Dañ der herr Ihesus wurde
in erwigē mit dem schwert seines munds / vñnd wirt sein ain
endt machen / durch die erscheynung seiner zükunfft / das ist /
wie vor dem tag der morgen stern / so muß vor dem endt / das
Euangelion herfür prechen / dasselb ist die erscheinung seyner
zükunfft / darbey sieht man / das er bald komen soll / Derhal-
ben darff man sein krafft nicht fürchten / er kan / keinem lande
keinem reich / keiner statt / mer schaden / sonder müs prechen
dann das schwert des wort gottes / verderret im seynen arm /
vñd sein gerechtes aug / das wirt auch verfinstert / wie zacha-
rias sagt / darzü hat er nyekain anndern gewalt gehabt dann
mit den hailigen züfekten / das ist ainige personen / die gottes
wort festiglich angehangen sein / züerwürgen. Hatt er sich
dann in seiner sterck / nach seym begern / nicht können rechen /
wie vil weniger wirt ers nun thün mögen / nach dem in gotes
wort schwach gemacht / vberwunden / vñd auß der menschen
gewissen ganz gestürzt hat.

Sie endet sich der ander tayl:

Der drittl taylor dieses Rhatschlags Christlicher Leser
hat allerley fragen / so in disen vnsern zeiten / zu
trachtig gehandelt / vnd doch zu wissen für nötig
geacht werdē / durch heylige göeliche schrift auff
aller kürzest auffgelöst vndt entschieden / angesehen / dz die
ihenigen / so dieses vnsern Rhatschlags sich geprauchten sollen
durch tägliche vnser predig / so vorhin güten vndt erricht
empfangen vndt begryffen hetten / Derhalben auch / sy nach
der lenge zuhandlen / für vnnötig angesehen ist worden.

Die weyl aber solche kürz / dem gemainen mann / nicht allain
vnuerstendlich / sonnder auch / als vngegründet verdecklich
möcht gewesen sein / hetten wir vnns der mühe vndt arbeit / dye
selben von neuem / vnd nach der lenge zuerklären / nicht lassen
verdriessen / wo nicht solliches auch vorhin / inn aym andern
Rhatschlag / an ain Christlichen Fürsten außgegangen / nach
 notturfft vndt vberflüssig wer beschehen / Darumb wir / vnns
der mühe vndt arbeit / den Leser aber / des vbrigen kostens / lesens
vñ zeit verliereus / zu vberheben / solches yego gar vnderlassen
Wollen damit ain yeden / der gemelter fragen / güte vndt vol
kommene vndt erricht begeret / auff obgedacht außgegangen
Rhatschlag / als in dem er genugsame / mit der vnsern
ainhellige / vndt inn hailiger schrift wol gegründet
erklärung finden werd / gewissen haben.

Die genad vnsern herren Ihesu

Christi sey mit vns alle

A M E N

gericht /
werden vergehen
der herr. Darum


Der dritt taylor dieses Rhatschlags Christlicher Leser
hat allerlay fragen / so in disen vnsern zeiten / zu
erträchtig gehandelt / vnd doch zu wissen für nötig
geacht werdē / durch haylige göeliche schrift auß
aller kürgeß auffgelöst vndt entschieden / angesehen / d3 die
ihenigen / so dieses vnsern Rhatschlags sich gepiauchen sollen
durch tägliche vnser predig / so vorhin güten vndt erricht
empfangen vndt begryffen hetten / Derhalben auch / sy nach
der lenge zuhandlen / für vnnötig angesehen ist worden.
Die weyl aber solche kürz / dem gemainen mann / nicht allain
vnuerstendlich / sonnder auch / als vngegründet verdecklich
möchte gewesen sein / hetten wir vnns der mühe vndt arbeit / dye
selben von newem / vnd nach der lenge zuerklären / nicht lassen
verdrießen / wo nicht solliches auch vorhin / inn aym andern
Rhatschlag / an ain Christlichen Fürsten außgangenn / nach
notdurfft vndt oberflüssig wer beschehen / Darumb wir / vnns
der mühe vndt arbeit / den leser aber / des vbrigen kostens / lesens
vñ zeit verliereus / zu überheben / solches yetzo gar vnderlassen
Wollen damit ain yeden / der gemelter fragen / güte vndt vol
kommene vnderricht begeret / auff obgedacht außgegangen
Rhatschlag / als in dem er genügsame / mit der vnsern
ainhellige / vndt inn hailiger schrift wol begründet
erklärung finden werd / gewissen haben.

Die genad vnsern herren Ihesu

Christi sey mit vns alle

A M E N

gericht
werden zergehen
der herr. Darum



195.

by Mullen 1207 / 0,70